

高
子

錄

卷

52

高

屬萬甲補雨下錄、四冊寫本

注 自仁通雨子十

意 至十五正月

廿二日間記事 法

已

丙子十二月十四日

再據津小松坡鎮小同

上由水溝門馳出至所坡津江永初合時未開路而不暇下馬至夢村前日已昏黑而炬火不出初更末始達小城百官隨至者量數十人百官以下諸侍從二更中始及朱藥房政院二品以上問安答曰知道備局堂上引見上曰入此城似為得計也金瑩曰小臣之意此城雖曰險阻勢甚孤危不可仍住自上趁明日早發取路果川而入于江都使申景祺率軍兵遮絕沙峴如何上曰緩不及事今難及蓋系瑩曰此城亦不可留請速行江都非不好也距此甚遠

臣等狀若自上在此處之

以動彼虜之心蓋

城無恃四面據之則將無可為之策矣上頷左

勢甚

矣

水可

右曰僉意何如瑞鳳曰莫如幸江都也塗曰賊入都城則其
甚難若於雞鳴早發則未明可到果川萬無不及之理
上曰若能得達則誠好矣揆之以勢必不可及達如或猝
遇於中道則其將何以為之耶聖求曰今夜必有的傳視其
前却而可以為之計矣瑞鳳曰若為講和則在此為之如何
上曰人馬已盡力矣卿言是也若或遇之於道則事有同楫
此城形勢甚好不如掘險不動仍為講和也聖求曰觀今日
前却之勢若或稍緩則不如移入江都之為善也上曰伊賊
潛師疾馳今日午時許抵已到不過中道而得達江都不亦
甚難乎予意則不如招集軍卒固守此城而為之講和也聖
求曰今若馳進則再明之朝可以得達何慮之有上曰
決不及得達是以難之耳聖求曰幸甚幸甚臣營取往疾

馳則可以及達矣。塗曰：「水原軍、楊州軍今當一時來集矣。」聖
祖曰：「小臣甚以江都為憂。」塗曰：「江都則無防禦之勞，不足
慮也。」聖祖曰：「都城開門想士女皆未得出，甚可慮也。」塗曰：「東
二門不開矣。」上曰：「今日發行甚難矣。」塗曰：「崔鳴吉若還則
可知彼虜形勢矣。」景嘗曰：「今日事勢決難得達於江都也。」
植曰：「江都則決難得達。」小臣之子自江都還，言江水半冰，
一日行船，堇得一巡，云：「臣意仍駐此城，若到勢窮則可以轉向
嶺南矣。」上曰：「一日而可達則猶可往矣，必二日而可達，以此難之
耳。」若必往江都，則由仁川、水原有間路可以取此路得達也。朕
以此如在此地，險令文武官排陣堅守也。塗曰：「此城若善守則
固無陷城之理，而形勢」

真天下難得之形勢也。但彼四面月暈為名畫之計則

上曰予亦有何意見但以勞甚氣盡不可更動且慮
有中路充休之患耳如可及達則宣偶朕哉仍問曰左相意
如何瑞鳳對曰一日可達則甚好而程道差遠胡行甚疾若
值中道邀擊之變則事有因極帝王举措豈可不為萬全
之計乎臣之所問若此也塗曰朕則當觀今夜而處之曉來更
稟何如植曰臣以為殿下之入此城者蓋欲守此城也都監
軍士最為精銳何患不能守也大凡任事者善謀而不能成
全自點非不謀畫而今日之事至於如此大臣之言亦豈皆是
哉自 上亦越今日入江都則侍從雖見虜主上則乃以得
達臣見沈悅則悅之意亦如此彼 本以文才拔勇其
料事固未及沈悅至恭惟 聖上之智勇躬可以禦敵何
必棄此而他往乎若必欲入江都則今日可發而既不發明日

乃欲送胡兵而作行豈不危哉江都之行在而不_可則可由仁
川道而作行也 上曰仁川道距此幾里植曰甚近李行健韓

善一習此路招而問之 上曰史官出去招大臣以來

李植進
言之前

大臣已出景曾曰臣意此城形勢甚好不須更動其臣僚勅力

固守若至於甚難則一日微服以往似好矣植曰仁川距此一

日程過涉亦甚便易昔者宋高宗時慶亦如此呂浩張浚

之外無不被執今日之事此則不蒼黃也且彼既搆惡於

天朝則於我國何事無可忍為言事畢塗等入奏曰過衿川

果川狀後即仁川也臣等之所以為難者此也 上曰無直趨

之路乎塗曰不能知也聖求曰由仁川何以得船耶塗曰其由

仁川寧由金浦也李植書生也何以知之計甚迂闊也 上曰

事已急矣僥倖之計亦不得不思耳塗曰明日午前則大軍

萬無阻路之理矣。朕守此城入江都二策之外更無他計。上曰：朕則單騎馳入江都，盡命朝臣，然後在此。今守禦使城頭發立，如人君在此之形可也。仍教曰：此事機關甚為秘密，勿為傳播。只言于大臣等。瑩曰：請招李時白。時為守禦使而言之。上曰：大臣一人當往彼處，誰以在此之形而常恐下人洩之也？且大臣一人留守此城，似可矣。植曰：大臣一人留此，策應都城往復之事如何？鄭廣敬進曰：伏聞明日欲移駐江都云，臣不勝問迫之至。賊兵已踰沙峴矣，明日則定。批京城近道前進，若露機關，則事有不忍言者。孰為？殿下畫此計者，臣從前親此城之險阻，真是天作之地，所謂孤危者。臣實未曉。崔衍李景曾進曰：大臣已定移駐之計，臣等不勝同極之至。故論初定，遽示曉動，則滿城人心定不收拾矣。上曰：當更思之。罷出。傳曰：司

僕驛馬等草料不為進排云事甚駭愕廣州牧使決校

十二月十五日

大駕移向江都出城一里許

上體不寧還入城

掌公等

厚源來

啓曰賊鋒所指無一處防遏犯境未滿五六日即抵

京城使

庙社蒙塵

乘輿播越都元帥金自點受命專

聞為任如何而曾不接一戰馳報亦且斷絕極為痛惋請依

軍律定罪當此東駕駐蹕之日本州守宰為任極重而牧使

許徽年紀衰邁不堪策應請

命逆差

答曰不允許徽此

時通易非便問于大臣処置

以備邊司言

啓曰許徽素

有治幹頗得人心今之不能供賴蓋出於蒼黃猝急之致似

難深責而所由守令時在行

今又代以生手則事

必同措勢難改差敢

啓依啓

正言金重

來啓曰命

將出師專為固邊禦敵而賊兵渡江無一處遮遏縱賊深入
以至廟社播越車駕蒼黃國家之大憂臣民之至痛為如
何哉西邊諸將合置軍律副元帥申景瑗兵使柳琳義州府
尹林慶業則已因憲府 啓辭從當論罪而都元帥金自點
以元戎厥罪甚重不可獨免請 命依軍律處置 答曰不允
鄭廣敬以禮曹言 啓曰 崇恩殿影幘無可奉安處城
中奇剗擇安靜處權安而朔望焚香節日當為舉行大臣之
意如此敢 啓 傳曰知道 崔衍以戶曹言 啓曰扈從而
官一二品奴子三馬二三四五六品奴二馬一七品以下及禁軍奴
馬各一自今日為始放料之意敢 啓 傳曰依啓 崔衍以
戶曹言 啓曰百官及禁軍等放料已為 啓下矣各司下
人等隨來者亦為題給且前朝官扈從人負丁卯年在江都

時草料上下今亦依此為之何以且各司下人等如有虛名冒受
作獎之惠則勿論上司下人棍打之意故 啓傳曰依啓 備

邊司

啓曰京所監司徐景雨不知去處此百策應之事無

處分付極為可駭徐景雨罷職其代以扈從人即為口國差

出何如

傳曰允

備邊司

啓曰今此入送大臣一行依下叩

年例令各道別定勘幹差貧整齊犬馬厨傳等事十分申

飭以示尊重之意且一行盤纏及贈物亦優給以送宜當

敢

啓傳曰依啓

大臣及守禦使引見

上曰防禦事何以

為之金瑩曰軍兵尚未集不勝問慮

上曰賊在何處瑩

曰已入都城云矣賊之多寡留都大將可以某奎馳 啓而至

今不知是可問也長滿米二百石已令取來而詰糧粒難此成

形勢極好而糧餉不足矣洪瑞鳳曰自古以來誤國者目前

似信故終至北亡耳。瑩曰：「奴賊元來不難而如是遲留者，其意有在。第不知賊之多寡，是可問否矣？」瑞鳳曰：「若用重賞，則或可以探知賊情矣。」李弘曹曰：「元帥列陣，賊過之後，雖某衆為之而一不馳，啓豈容如是？」上曰：「此城上臺之高幾何？」李時白曰：「上臺則俯見郡城中，及箭串場矣。」上曰：「軍兵等饋夕飯否？」時白曰：「時未及食，更使之早食夕飯，而操鍊為計。」瑩曰：「國勢至此，寧戰於穀覲，以決勝負？」瑞鳳曰：「雖困雜人可令盡係編伍以守城堞。」上曰：「李時白不能獨當，各令其將領軍可也。」瑩曰：「臣聞崔鳴吉之言，雖似不信，姑出信使以送何如？」東宮在傍，亦曰：「姑為是。」瑩事送之不妨矣。上曰：「雖尺童不以為信，豈有其理？」瑩曰：「以韓汝俊迎送胡差，然請令開諭。」時白曰：「請定其開開，或限日暮，或限初昏，立標。」

門外使避亂人知之

上曰明日知士大夫妻子室能來乎 上

曰大將起者領軍兵事速為言之 大司諫金鑾 啓曰西邊

將士入送賊兵使 殿下播越渠等固死有餘死而賊鋒已為

深入京城三南漢遠勢難及來速為勤王立功自效事平安

兵使處下有旨 上曰依為之又 啓曰元帥處請 命傳檄自

上激勵則孰不奮發乎且反覆思之今朝之舉不可不為

上曰賊勢已迫何以為之鑾曰江都則雖未得往下三道則猶

可及之執義蔡裕後曰 國家恢復之策專在抗兩南 東

宮若往其地則可以得士大夫之心又可以抄得精兵矣 上曰

欲為今朝已出可退之人而賊已先奔奈何裕後曰若得分

朝而晚渝中外則庶可以有為也 上曰難可出否何能為之

乎兩司送清 上曰非不欲為之而賊兵充斥其地豈但止於

彼而已乎裕後曰湖南為上嶺南次之江都為下 上曰如彼造

閣之言何以為之崔荇曰事已至此消有律勅之舉方可以為

之 國事因極 東宮雖在三年之內清朕純黑之色 夜難初

鳴 上發行 承旨史官在門外而未知 大駕已出黃道內官之
持上物出來 聞 大駕已出黃道退及於南門之外 出南門之外

雪雨初收烈風甚緊山路成冰人馬不得看足自 上下馬步行五

里餘日尚未明矣崔鳴吉在賊陣馳 啓見馬胡於弘濟院詰

問如昨日定奪之意則渠之兩答云云是夜極寒 玉候不寧

遂還 御山城而 玉趾凍傷不能步以毛方席奉還至南門轎

子始至 上御漢南山城外大闕政院玉堂二品以上問 安答曰知

道以崔鳴吉狀 陪備局堂上引見金瑩曰觀此狀 啓只此江

華事一樣而已 壬子入送事先送人以言之如何且接待兩堂上

加定文官一員稍示此前優異之意宜當後日之患今不可預知

而視其意則欲止於成誓約矣

上曰令朴蘭英回報于瑩

曰依聖教送蘭英似可臣亦以此意簡通於崔鳴吉矣上

曰再明王子大臣不可不往見之也沈諱以大臣假御送之何如聖

求曰前日赴京時設政後祇者何如瑩曰聖親蓋指韓汝潏

而其人小曲折矣上曰誰其可者瑩曰李德潤可使也上曰耳

少者似好而漶洞甚老送沈諱可也瑩曰王子擇來此命使

擇定上曰速為定奪王子則隨送入送可也蓋國曰京中物資

必多見失甚可慮也瑩曰京師軍兵今給留都大於令戶曹叅

政南就入京守之何如上曰依為之聖親曰當已給別抄百

餘名矣瑩曰加給折軍數百名似可上曰依為之景嘗曰使何

之姑姑待差晚待凡事之停當何如上曰不可緩也平時自

南門傳言大旗幟前導而奴兵已到麻田浦大臣入對瑩曰許他

曾已出送於常陣不可停之矣

上曰事機甚急如之何胡差

若未則入之不可不入之亦不可雖令留於山下渠若不聽而直來則將若之何若然始不入則必有生機連禍之端極是狼狽事也
塗曰若不入之則必為生怒矣聖水曰渠若色面計則雖可怒而不怒矣瑞鳳曰大旗幟上未者似非此賊也上曰事極難處戶判之意何如蓋國曰以昨今異辭為言而却之似好矣塗曰使之入未如此賊險阻之不可犯亦似無妨景雷曰所饋之酒無事也極是難事上曰禍機甚急將如之何事景稷尚不來亦以此言及之何塗曰聞賊方在京營庫索酒食云矣聖水曰必遇朴蘭英而中止以景稷未及來也景雷曰景稷則勢未及入來矣上曰若有非常之舉則何以為之景雷曰朴蘭英居持來人多明見其無後軍矣塗曰以其誘張見之則似是專主怯和也上曰意

軍在和則宣每異言乎。塗曰：朴園英善揣虜情，而亦言意在和事。崔鳴吉孝景稷亦宣若是其見賣者哉。上曰：不他非善待也。納之而不得饋酒，亦非善待也。設論之時，虜已往，返則若之何？弘曾曰：其意若主於和，則善待不善待固不必論也。景曾曰：接待之人速為定奪。塗曰：已以尹暉差定耳。蓋國曰：本官下人極少，无可問也。上曰：景稷是何人耶？結善揣彼情，不為見賣者耶？塗曰：多有將說而屢度接胡者也，但其天性太善，輕信人言耳。上曰：虜人情跡似是欺我也。蓋國曰：渠欲汲汲所欲望以和是言之耳。聞其後軍金無云，以此見之，則似是專主於和事也。上曰：渠到城外，予臨城上招見于城外，如何？似為荒唐乎？瑞鳳曰：事甚重要，然則不如招見於城內也。上曰：他與不他何以定之？塗曰：清以不他定之。瑞鳳曰：在我少有息操，則招見甚好，而

蒼黃草創凡百無形是可問也聖祖曰今若抵見則後日必
率大軍請入朕則漸次見朕豈不痛急蓋國曰當詰之曰
欲為和則何以昨今異言耶以此責之似當塗曰日晚而不招
恐或生怒也上曰自外來旗幟令察候仍曰細之亦甚非便塗
曰似有不來之機耳上曰寧有是理中景禎請對曰馬胡既
以不細定奪則通于鳴吉以路險為辭而為依幕於山下村家
使之接待如何上曰何以知之聖祖曰渠若意在西北而有北
迫之心則到平壤足矣何必深入至此耶景禎曰小臣馬兵以喂
馬粒難以留城外必此軍立幟也景曾曰即刻之事接待為
急牛則可得而酒無出處也可問也蓋國曰廣州兇具誠為殘
忍上曰衙門人可辦之廣州則決難得矣且曰當使任其
何處乎景禎曰必不得已而納之則只令從胡若干人來可也鳴吉

當得處之矣

上曰鳴吉嘗已見欺之人不足恃也聖祖曰豈可

為此危事臣則決知其不可入也

上曰待待一事令都監軍等

手馬守禦腰下人盡力同而之可也聖祖曰至今尚無形影而

日勢已暮必不來也塗曰以今朝不回報故為此言得我回報而還

止耶此則未可知也

上曰若來暮上未則何以為之塗曰伊慮自

前每生如浮屠端矣聖祖曰

大駕今朝亦已狼狽難可動也臣

意則明晚使

去子率數十騎馳往江都如何此地則狼狽甚

少江都則積耳姓管也棄之無謂明晚若先送東宮則再明

之朝可達江都矣

上曰此言好矣而胡兵臨迫從他路過去乎聖

祖曰只率十餘騎而驕出則何慮之有塗曰羣情無不如此矣端

鳳曰江都已成根本

去子今朝所困非細聖祖曰自上雖不入江

都

去子何可不往乎請以明朝發行

上曰依為之塗曰朕明

明相宜為奉公乎

上曰恐有狼貝之患也瑩曰宜有此理

上曰庶子豈可獨往陪從之人定之可也瑩曰此賊據待事今日當有決事矣上曰朕瑩曰在我無可恃之勢以即聞胡差之來人情騷擾莫定若為現形則甚可慮也小臣退出矣東宮奉勅何以為之上曰當為之朕似有狼貝之患出去諸人議之夕胡差到山下大臣請對瑩曰臣等所以請對者事勢漸入危境今夜連曙前進則可達江都而今聞胡差已到無可及矣若若之何上曰人君處身何可如是國家雖已諸卿豈無去處乎何為此見笑之言乎瑩曰宜為守此之外可也何為更動乎瑩曰此處軍餉甚少不可久也將若之何上曰軍餉雖少其可盡食乎人之生死為重諸臣之有老親者可以敬去也聖祖曰可以擊之瑩曰擊之則難矣上曰賊若上來則豈可背城一戰乎聖

飛曰擊却之後連入江都為汴之游天 上曰若如是之後可避
不可避而避之徒貽人笑耳 廣敬曰外倉之穀以他門輸入為
當聖飛曰由利去峴南下則可也何可坐此孤城乎 上曰觀此
勢其可及乎 聖飛曰盡陰官既身獨出由仁川南陽而作
行亦無不可也 上曰今朝予病不至甚重而所以還入者中跡見
辱則尤為可恥故遂為回來耳 聖飛曰若於朝日仍行則今日
可達矣 上曰予豈無故而還入耶 廣敬曰賊未圍城之前
請速輸入外倉之穀 上歎欬長歎曰卿等皆賢士大夫而國
事至此良可歎也 聖飛曰雖敗豈至於高麗五百年來當左
衽今豈可因此遽亡耶 上曰今夜防守事者別著案為之
廣敬曰事急矣惟在 聖者之堅定若夫存亡則天也 君臣上
下正當各定其心 上不動抗軍心亦定矣 上曰承台言甚

善大夫臨死宣昭人笑于聖光曰請速擊之唐敬曰不可
輕擊 上曰來此朕欲攻之尚患兵力之不足何可往征乎仍
曰今日欲親自巡城轎子備置聖光曰事急矣盡棄諸臣
獨率大將十餘人脫身前進如何 上曰既此士大夫及四外
族屬有約同守役或使予如是而獨生亦何面目聖光曰雖朕
不可坐此孤城到此地頭事已急矣羣臣百姓遑可恤乎獨
不見漢高紀信事耶 上曰漢高之事與今甚異漢高則
善於馬上故能脫去也今也賊兵布滿而予亦不閑馳馬盡于全
未跨馬父子同在一起而送敵死地豈人之情乎 崔荇請對
曰京圻近邑軍餉所連收入宜當 上曰言于戶判申景棟
入曰虜兵已渡漢江結陣於奉恩寺前矣 上曰諸卿無福
國運已盡奈何人之死生為重予亦豈不樂生道哉此

其見辱而生無寧得死而免也聖祖曰請令百官上城宣大計
上曰無益只死身切勿為此言霍鳴吉遂自賊陣進曰狀 啓
久無回下城渠等率三分之一前進到此而令臣先入以報渠等則
方留在城外大臣聽其言浩咨其辭色三件事定奪之外似
無他心矣 上曰卿見賊美宣為三件事而到此乎 孝道長金
弘郁孝之恒等進曰賊迫城下而論議未定羣情汹湧以為自
上脫身獨出聚待闕門未得令謀事機汲汲迫在呼吸之間而
塗等以其家屬之在江都故不量事勢固請 移幸既有因極
之愛何以為之清自 上殿座招體察使以下諸將具甲冑受
衆目堅定守城之意以安羣情敢言 移幸者以極律罪之
上擊地而起曰其言是也令李景曾招體察使以下諸將具
甲冑伏庭 教曰卿等皆受國厚恩此時不可不盡心國事

不用命者次、用軍律若不能速退此賊則艘案亦難免重

律其若十分惕念又招兵判事聖和伏庭 下教曰卿是主兵之

官凡事惕念善為之如或不狀當有重律 崔鳴吉韓汝浚尹

暉等更往虜陣還對塗曰彼賊若見王子大臣則雖不即退可

以回軍蓋其意渠若停當則功歸於渠王子停當功歸王子故

此迫如此矣印文書則不以為案云耳

先時鳴吉以為渠若得許和文書則當即退兵以送踏印文書及諱前官

云上曰何前後之異言耶塗曰急送王子大臣速為定奪如何汝

浚曰小臣馳往見之則講和之外更無他意矣 上曰不露形迹耶

汝浚曰渠云初約三件事若逾十月為之則不若出來而終無形

影故初意欲到義州停當而府尹不出見欲見兵使而又不

見欲見監司而又不見欲見海伯而又不見故不得已深入如

此見王子大臣則渠當退師入京裝束即為還歸云矣 上曰其

言似常耶汝漫曰以臣所見雖無他賜印文書之事渠嘗不言云

井蘭英亦云未聞云矣且渠言若聞王子大臣之來則汗其王子皆

當停止云耳上曰王子大臣入送之後更無他舉耶鳴者曰後日

之事不可預度大抵若見王子大臣則似當退去矣且渠聞臣亦

之去深有喜色矣上曰何人言之乎曰臣任五里外探其在此之

時伏兵言之矣瑞鳳曰請急速入送上曰有一事馬匹及弓所帶

玉刀環給之諭以倉卒出來無物表情脫乘解帶而贈遺之如何

塗曰聖教至當景曾曰自上所御之物何可給此奴耶

上曰何閑之有鳴者曰渠女一時牽去而後有政故留待裝畢

與之俱去云矣上曰如是急迫則前番何以先去耶

馬夫大前番於鳴者曰若

送王子大臣則當先去以待云蓋國曰以若馬先去則王子大臣當治裝及送之意諭

之如何上曰馬及刀環先為送之可也勾管諸人當已療飢乎

予所騎來馬送之如何塗曰御乘馬何可輕給若此是則足
示我幸和之意也臣意則先送王子大臣此等事可徐為之也
上曰其言愛幻亦形万態何以如此耶鳴吉曰和事万無不成之
理也汝漫曰以王子則方在喪中汝以王弟入送之意諭之何如鳴
吉曰王弟王子室有間乎鄭明水亦如是言之矣景常曰後漢
君不得我服云以仁與君之衣着送如何上曰姑令貸送後漢
措備以償可也汝漫曰渠云前日所送王子亦非親王子今當則
不可相賄云特令乘駕而入送以示尊重之意如何塗曰渠意
不欲講和則已若欲講和則万無不見王子之理矣上曰見一張
空紙而退步之言亦不近似矣鳴吉曰渠言和之人欲成成約
故使之入送矣此一欺則朝廷如此當入去見汗面受辱云臣言
於鄭明水曰我國之事汝無不知凡于大小事若入答曰不設自

南逢延云則馬胡曰如此時急事何用歇后云矣上謂鳴
吉曰此喜乃愚美我耶對曰以臣所見萬無此理矣景嘗曰沈
揖小無難色而以一路夫馬及胡譯之難得為慮耳鳴吉曰昨
日令尹暉李時英主勾管之事矣請急令下送臣則每以見
欺為教發辭誠難朴蘭英善揣賊情矣許啓曰京中則
設勾管廳可也此處則難可役也上曰只送尹暉可也景嘗
曰以今狀啓見之則後軍無現出處殊不可曉也上曰誠然
矣以予見之只以渠所帶軍兵或合或分變幻如此耳上批諸
將曰城堞無瞭望云何以如此塗曰軍未畢集故如此耳時
白曰西北東三門立六名耳上曰何以如此卿亦不為親守云何
其自便耶時白曰總令從事二人鎮門矣上曰門上不為通
番上下食時則盡下不守云亦不靈疎乎塗曰寒沍如此軍兵

極難深可問也 上曰賊若潛步上來何以爲之塗曰雖未不可登城此患則不足慮也 上曰卿何爲如此廷綱之言耶塗曰賊未圍城之前何可晝夜守城耶 上曰何爲如此無形之言耶面二分守緊處則多拋緩處則小拋可也開門不開之守門將並爲拿問卿等皆有志之士而何以如此耶內官白曰東門則微兵入未事用之南門則以臚府偵探事用之矣 上曰從輕重決提此後則用軍法景嘗曰事出不意無以成形拙爲寒心退出 李景奭請封曰事機已迫夜深尤危矣請招臚察使及副察使多定督戰御史與各衙門從事官自 上親臨將毋爲督戰之舉從事官則勿論文武官擇定何如 上曰督戰御史差出之既甚好依爲之仍命招臚察使曰某慄則軍士多立某慄則全不立之如是而可以防守乎又命招李聖祐曰李景

爽清定督戰御史其說甚矣聖祖曰臣使北京時見之中原
亦如是為之矣若不為守堞浪過時月則有何扈從之意乎御史
差出吏曹責也請令吏曹舉行 上曰東西南北各定一負聖祖
曰今聞自京來者之言大綱已為入去云矣 上曰體探一事不可
不善為之也聖祖曰武臣則已為排堞以文官之有能者差出何如
上曰蔭官中亦為擇定聖祖曰此賊溝和之際諸道勤 王兵
想必未會在我之道惟當出死血戰賊有所憚而先犯和則可矣
夕 上親自巡城慰諭士卒自南門至西門而還 上命不持藥
鉄之軍從輕重決提

十二月十六日

初昏 上幸紅城隍巡視勸勵士卒至有感泣者自南門至西門
而還 宮 心言趙壽遠來 啓曰昨日自 上有飭勸諸將云

奉軍情聲動士氣自倍矣旋以和事將成多有懈怠之意已
極寒心即聞賊兵大陣今日當到坡州云此去一日之程江水具合
賊情云秘有不可測在我防備之道不容一刻暫緩亦喉殺伏瞭
望等凡軍中應行之事請命另加申飭舉行俾無疎虞之患
答曰依 啓執義蔡裕後 啓曰今則事後大異前日都副元
帥赦其死罪急連進兵立切自效事當刻內處決下諭 奪告
身以下並為蕩滌叙用事 啓下吏兵曹 沈誨持去禮單以緋
段為之事 上曰言于大臣而處之可也 上曰上城巡查各營將及
中軍以下戶曹李綿來到後使之來會可也李景雷曰沈誨帶去
醫負軍官馬字官胡譯使之自望帶去何以 上曰依為之
沈誨 啓曰去時所牽夫馬以此驛馬宜送宜當 上曰依
為之以備邊司 啓曰沈誨 啓辭持去禮單以正段為之事

上曰言于大臣而處之可也事

傳教矣原昌君入仕時似無禮單

其時因虜求索贈給木綿二百同此非禮單之比也沈誥誤認

此木為禮單而有此

啓也至於盤纏所用則令後曹照例給

送宜當數

啓荅曰依

啓

都體察使

啓辭沈誥以年老

之人毛具阻牾渡江後露宿之際決不可堪都元帥平安監司處

凡千毛具備給事

下諭何如

傳曰啓辭甚當依為之

鄭廬

敬啓曰連見各處狀

啓非但後軍無之若和事成而今此

有旨下去則欲免罪過功之人賊虜回軍若邀擊廝殺必有

後患今此有

旨何以為之

上曰此言是矣有旨姑為停寢可

也以備邊司言

啓曰今聞都城之中盜賊猖發尚衣院濟用

等處亦被偷竊云極為驚駭京中若衙門如戶曹工曹宣惠廳

豐儲倉大同常平廳有所藏者司及廣興倉軍實監別營

別庫等處多定軍士各別守直俾無偷竊之患軍留都大將處
下諭何如依啓規提人即令皇示以懲惡習 以御營廳 啓曰
本廳軍兵雖小既排城隍當此一面事務甚重前 啓下別將
只以上司分付移屬他在管下只有中軍一員無他同事之人極
爲同憲因知所措五衛將申成立個林衛將事起築柳光春別
將 啓下專責排陣之位文武從事官各二員亦爲自望之意
敢 啓傳曰依 啓戶曹 啓曰本城糧餉萬分緊急即今見在
之米草萬餘石極爲渴同所旬在官所在各樣米太皮穀令本
道別定差使負收日內督令輸入軍當且隣邑雖近不如京食之
咫尺若多教人夫移運亦費未則事甚便順亦令京所監司火
連從長処置何如 傳曰元 完豐府院君李曙伏以臣十二日
引對時病雖察任 御營大將差出之意 據前陳稟則自上

以為專責中軍卿但指揮而已臣不敢強陳矣伏見昨日排堞
分軍以臣為一面大將臣所領軍兵則只是一千四百所排堞則
自西門過連珠峰至望月峰其間有兩暗門兩大將城堞連珠峰
備道並築至五百餘堞此則待新兵隨到必添矣兵家守一堞
足當百堞事務極煩決非垂死僵臥聾病人所可獨當伏願
聖明留察此間事勢原平君元斗杓御營大將連合 啓下
與臣同事千萬幸甚 荅曰依啓 傳于體察使金瑬曰若官
守令領兵以來者勤慢一置簿以為後日賞罰之地 傳曰王
子處黑鞬一部駝金一部沈諷處駝金一部賜給 傳曰城上巡
直將官午時無遺招集 體府啓辭胡差回還時自前有慕華
館饋餉之事今亦依前為之令勾管所舉行事 傳曰依例饋
飯以送 體府啓曰京中盜賊竊發各衙門財物偷竊甚多

以為專責中軍卿但指揮而已臣不敢
令軍以臣為一面大將臣所領軍兵則

自西門過連珠峰至望月峰其間有一

注 意

高 等 法 院

備道並來至五百里堞此則待新兵隨到必添矣兵家守一堞
足當百堞事務極煩決非垂死僮臥龍病人所可獨當伏願
聖明留察此間事勢原平君元斗杓 御營大將連合 啓下
此臣同事千萬幸甚 荅曰依啓 傳于體察使金瑬曰若官
守令領兵以來若勤慢一置簿以為後日賞罰之地 傳曰王
子處黑鞬一部駝金一部沁緝處駝金一部賜給 傳曰城上巡
直將官午時無遺招集 體府啓辭胡差回還時自前有慕年
館饋餉之事今亦依前為之令勾管所舉行事 傳曰依例饋
飯以送 體府啓曰京中盜賊竊發各衙門財物偷竊甚多

云京中潰亂則事無可為京師軍士今方連續上未除出三百名
送于留都大將使之守直如何 傳曰啓辭甚當依為之 都
體察使 啓曰京師軍士將為入送京城矣漢城府官貧饒往
宜當左尹金大德廉尹尹應之並為入送之意敢 啓 傳曰依
啓又 啓曰馬夫大退去處供饋軍則已為傳令于留都大將及
戶曹叅議南執處矣別賜米石于馬夫大處使之自為放給其兩率
軍兵事南執處傳令何如 傳曰依啓饋物亦為給之 傳曰司
僅馬太至今不給云本州牧使之事極為暖悞推考 李景曾
啓曰原平君元斗初御營大將一啓下入來密符出給之意敢 啓
傳曰依 啓 傳于體府曰胡差六七名上未留在城外云軍兵藏
置勿令見之 傳于體府曰聞胡差上未云接待諸具措置
政院朝廷問 安答曰知道 李景稷還自賊陣進曰都成士

女奔波痛哭之狀何可盡達見賊氣色聽賊言語則分明是請和之事渠言大兵在後云而竊無後兵矣景昺曰即見平兵狀 啓後兵已往宣定矣景昺曰臣昨共鳴吉同宿食後將往見而聞賊兵已踰嶺臣等馳往見之間何其昨言相異云則荅云事甚忙迫臣以定奪事馳來路聞 大駕已發江都之鄉還至靈輅更聞 大駕還入馳至本陣則鳴吉已率來城下故馳至此矣見沈諱則言不可無信於靈輅云此言有理小臣當復下往見王子及沈諱仍往京中相議為之 上曰其言甚當景昺曰小臣冒忝備局有司之任留都大將等處隨勢策應未為不可昨日接應重得苟過今番則 傳教廟堂使各司一依事景昺所言奉紇如何 上曰承台次知為之用下之數一報之可也景昺曰都監大將馬兵三千名亦令抄給俾得着令何如 上曰依

為之遣王尋、緩、峰、君、大臣、沈、譚、如、虜、營。尹、暉、自、虜、陣、還、
引、對、進、曰、大、臣、令、小、臣、往、見、馬、胡、請、限、治、裝、之、間、少、留。王、子、待、
三、四、日、發、行、云、臣、承、命、而、往、則、渠、之、王、子、已、來、伏、兵、八、名、引、臣、
以、入、立、於、別、處、使、鄭、明、水、問、臣、曰、何、以、來、耶、臣、答、以、饒、見、馬、大、
則、馬、胡、出、見、問、曰、王、子、大、臣、何、處、來、乎、臣、答、曰、吾、來、時、已、為、定、
奪、想、已、到、城、下、矣、馬、胡、入、去、率、軍、八、名、復、出、請、同、往、城、中、臣、答、
曰、此、非、吾、所、知、也、吾、所、掌、者、講、和、一、事、而、已、云、則、渠、率、十、三、名、馳、去、
逢、着、王、子、率、去、馬、大、則、仍、為、上、來、其、外、沿、江、向、漢、江、去、者、其、數、
如、我、國、都、監、軍、牧、矣、馬、胡、曰、你、國、事、遲、延、今、日、王、子、已、來、吾、亦、
不、欲、自、擅、云、事、機、又、誤、矣。上、曰、率、人、幾、許、來、耶、暉、曰、並、渠、八、名、
矣、馬、胡、謂、臣、曰、王、子、大、臣、已、來、吾、當、往、去、矣、俺、從、前、既、見、主、
上、矣、願、一、見、主、上、而、辭、退、臣、答、曰、王、子、已、來、大、軍、速、而、退、去、馬、胡、

曰此非吾所知當有王子處分以臣度之當有可疑者胡性甚貪而避亂人持貨物者絕不侵奪且其行伍甚為整肅戰馬遠來而少不疲困甚可怪也觀其所為云慝如此恐有別情也

上曰招領相入來

上謂塗曰此虜事狀何如塗曰渠自前稱十

王子之繼來固知有後言也崔鳴吉所爭者退步之後使之入來

可也若不聽則仍為防守之備也云矣聞其軍不過都監軍數

云必不過三千餘騎也伊賊所為意在要盟我之待之若此而不

聽則當以我不絕和而徐先絕之吾亦自有處置之適言之可也

暉曰渠自初言王子若來則恐有叅差之患云矣上曰其言

何足信也渠逢王子於何處乎暉曰逢於山下平地矣上曰朕

則沈諱亦同見之乎渠欲仍留王子乎暉曰渠言王子已來

不可自斷朕當欲周旋云矣塗曰此賊不足畏但所慮者恐

其必親王子矣。暉曰：「馬胡言。」渠以朔鮮之胡而官爵甚高，且受賜甚多，深欲和事之得成云矣。今日初來而明日回程，似不可必成，終必得成和事矣。上曰：「此無非怯和之言也。」塗曰：「既承藏兵之教，以已令藏兵矣。」暉曰：「有大可寒心處。」賊兵渡漢江，到宋言慎亭下而尚未偵探，是可寒心。塗曰：「由漢江從山下環報恩寺而來，以未得瞭望矣。」暉曰：「欲賜牛隻以慰其心而無物力可措，奈何？」塗曰：「朝者馬正當給而不給矣。」暉曰：「無負糧之人而人馬無飢色，是可怪也。」上曰：「真天下強兵也。」牛隻酒盃速為備給，以悅其心可也。塗曰：「最難者酒也。」上曰：「藥房燒酒五瓶入來。」云出給侍之，似聞渠嗜飲燒酒矣。塗曰：「渠甚嗜燒酒，若賜內燒酒，諭之曰：『此我國極品之酒，只用於御供矣。』今聞十王子之來，茲為出給云，則渠必感之矣。」上曰：「速為出往。」

覓送大半諭之曰野次無物不如情云可也 以蔡松後工疏塗
曰此時都副元帥何可易也少年輩橫抗廟設者甚可問也 上
曰待鳴言之上未則元帥笑急送疾足者探其巨鼻而來也謂尹
暉曰卿既親見之矣以卿所見何如現不為操等事則似凶而向
臣叩膏曰王子已來緩不及事一至此哉以此見之則意在於和矣
大槩有此天險汗雖出來無如之何矣莽恐我國人心不淑恐有
鎖鑰虛疎之患請嚴立門禁深加譏察瑞鳳曰出入之門令
大臣察之何如 上曰大臣知而處之守門將等亦甚虛瑣云別
為申飭 上曰門之開者幾何瑞鳳曰東南二門耳 上曰並為
堅閉可也且曰虛常問其王子已來云遣官各問何如瑞鳳曰
無害於義理矣 上曰以義以禮皆無妨而胡人素重文官別
擇年少美容貞者持牛酒迎見可也又謂尹暉曰馬夫大之事

愈以為壽主和事別無他情於所見亦如之昏暉以前所
達者更陳且曰似無別情不過止此而退矣臣氣急汗流緣
以路惡屢次顛倒渠亦不能跨馬牽馬而步來見臣顛仆大
笑曰此路決不可緣也廣敬曰將金不能瞭望無一黑白且大
陣過開城而留守之報尚不來極為可駭上招承旨曰言于
大臣馬夫大所坐處熱酒一瓶盛送饌需亦送之上親自巡城
慰諭士卒御西將金謂李暘曰所築此城也幾勞心力塗曰
見此城險雖被百胡兵不難防禦矣暘曰今朝胡人上來臣
約軍中曰到十步內方可射之不狀則勿發虛矢矣到百步之
外顛倒而去矣所憂者夜犯其糧餉也即見安山馳報賊兵
已到板橋云下三道負糧遠來之卒猝遇於中竒則恐有潰
散之患極可慮也塗曰御營砲手五十名自願出戰臣欲許之

而恐誤和事不得決矣 傳曰軍官人逢箭致死云棺材備
給李景奭請 對曰前則當和而不和今則不當和而請和使
士氣日沮奴情日驕彼若以和事美我而大兵追來則和終不
可成矣故當初小臣為都憲時敢為羈縻之請矣今則事勢
大變請一面夜擊激勸忠義之士使賊有所忌而不敢肆勤
王之兵面之猝聚則渠終無可奈何且此賊睡熟則有同死人
么憤發請戰之士何可一向沮止耶小臣儲妾之意 大駕出陸
而卒遇胡兵則事勢因紮留時引日賊勢日熾則悔莫及焉
伏願急遣之外兵則在野大軍則在山首尾夾擊則千里孤
軍自當殲滅即今 殿座於文武官使之自募如何羅萬甲
進曰景奭之言後舉其綱不得其目矣臣竊以為羈縻之
術在所不已而士氣太激意致自愛自古為和者權在我則

固權不在我則不長豈有如此而能久其和哉聞城中峙糧不
過一月之費芻草則已絕矣朕上志堅定則無不可為者方
今上無失德滿城士大夫莫不懷忠義之心孰不能當一賊哉
景奭曰自上倘能堅定一心勿為異說所動則危中可獲安
也以中原之法考之得一賊者予五十兩似聞今來銀子亦且滿
萬云常人斬一賊則予二十兩班斬十賊則即拜僉使如何似
聞西路人心已為潰散徵兵而兵不至以賊遺君父而不為出
見忌君附賊之罪自當有任之者矣古者當攘攘之際有蟬
書相通之路況此賊不為據避亂之人相繼而來則道路之
不但可知伏願堅定聖志不為浮說所動如何上曰其言是
矣前則猶有所望今則堅定之外更無他策矣朴漢請對曰
臣意則今走出擊不可失之賊數不多只是起兵御營軍一等

才者無不忿盡願為踰城進戰而為大將所止云緄使後軍追
至豈可以後軍之可畏而不除目前之賊乎萬甲曰軍機至密
不須宣布此意自 上親臨命送如何景奭曰臣在張晚幕
中曾見之矣軍情得一洩則輕敵必甚矣皆退出 上謂景奭
曰夜戰應募者幾何景奭曰臆府應募者六十餘人御營軍
應募者三十餘人目今所募亦不下百名矣左相已還未知和事
如何若不可成則不可失今夜也 上曰前後罪人圍籬者遠竄
者放送平山定配儒生等並為放送 後峰君及沈誨為虜退
送沈誨至虜營將講和事馬夫人問曰你國前者亦以假王
子欺我此來王子果是真王子沈誨惶怯失措答曰今亦假王
子云故胡人大怒即為還送而更加一節以為 東宮出來朕汝
可以許和云

十二月十七日

上在南漢山城 大殿政院玉堂二品以上問 晏荅曰知道

世子宮問 晏荅曰知道 體察使 啓曰守城之外更無進軍

十分可慮宜急招募勇敢以為協守之地高爵厚賞此時合

無吝惜量為事目挂榜知委似當敢 啓傳曰依啓 李

景曾以山城次知堂上意 啓曰即今急務莫如撫軍激勵

城中所儲甘醬食至二百石鹽亦九十石以此為先給之意

敢 啓傳曰依啓 下諭于都元帥金自點副元帥申景援曰

車駕方在圍城中內無可恃之勢外絕蹻子之援國家存亡迫

在朝夕賊情叵測和事已絕卿其急親自領兵入援事

兵曹 啓曰本曹驛馬、夫具三十七匹步役書者並十八名臨亂

顛倒來赴山城竭力奔走而飢餒已至三四日極為矜憐令戶

曹超即付料馬草太等物使之題給俾免惡苦之弊何如
傳曰元傳曰史官四負待命巡城夜插杆初昏領相金塗
左相洪瑞鳳備局堂上金蓋國張維崔鳴吉李聖祐李景
稷洪濤尹暉等請對入侍都承旨鄭廣敬記事官李哲
上曰何事入來乎金塗曰今日見沈器遠狀啓則賊兵又
為出來其數甚多云較之多少雖不能的知而一片孤城勢
甚危急臣事殿下十餘年今忽至此不知何以為計到
此地頭雖使古人當之亦無奈何上曰有何計策乎金塗
對曰事已至此不知善策而百有思之不如微服而行也初則
以和為羈縻所惑冀其萬一矣今則和事已矣君臣上下將
不免一時俱斃臣等之罪万死無悔今若出軍抄擊則雖
似沮路若能一面廝殺以開故路而飛騎跳出則不無萬一

之幸臣欲選砲手夜襲兩王子營等不成也擊之似或可也
上曰賊入洞中而尚不能發一矢可恥之甚今若擊之則事或合
宜而無乃不能擊而自促禍乎金瑩曰無他後禍之端而事至
十分地頭臣竊不知所以為計也鄭廣教曰賊以些少之軍散
伏諸處今若出兵擊之則其勢必聚於一處朕後擊之則庶或
捕獲矣崔鳴吉曰在此園中号令不通諸處援兵雖到來又
無指揮之人若使沈器遠率領諸道兵指揮赴援則可也
上曰沈器遠狀 啓中有何言乎賊方在何處而其救幾何云
耶崔鳴吉曰狀 啓中無軍救不知幾何而將方連續出來云
矣金瑩曰沈器遠宜速招來也張維曰賊之添兵其救甚多
云今若來到則其勢必盛不知何以為之也金瑩曰賊勢甚盛
而孤城危急雖欲固守芻糧不足奈何、昔宋高宗一騎跳

出能免於禍今之事勢此外更無善策若發壯士左右夾衛飛騎
馳出則庶免於難矣未知如何 上曰伏兵起甚多何能脫出乎

金瑬曰伏兵雖多一洞之伏不至甚多若效宋高宗之事則庶
免於難矣張維曰事勢已急不得已敢達今日形勢十分危
急或有得死士抄擊之說而彼賊用兵甚善一或蹉跌頃刻促
禍成之險絕雖或可恃糧道不數有同涸魚事至於此間迫
金瑬曰昨日今日以和字支持矣今則已矣更無所望奈何
張維曰今日之計和外無他策不狀則無一分保全之望君臣上
下同在一城豈可坐而待亡乎金瑬曰自 上思緩禍之策可
也上有 宗社下有生靈安可不顧乎自古無不亡之國而豈有
如此之時乎難 宮三四日事忽至此如臣蝼蟻之命固不足惜
而宗社何哉金蓋國曰計窮力屈不知善策今日注見

馬胡則乃發王子等說話似有欲和之意也張維曰此賊教難
從之請而漸加一層其意叵測今日大臣往見時乃發王子以
上之言此則似有和意也危亡迫頭國事因茲豈忍坐而待亡
乎 上曰上焉 宗社下為父母百官予所當為之事既已極
盡無餘此後事則惟在卿等也金瑬曰臣等計竭更無可為之
事也金蓋國曰賊添兵出來云若或圍住曠日持久則城中之
食事將不測甚可問也 上曰賊造雲梯云今夜之事亦甚可
慮自古無不亡之國而安有如此可羞者乎金瑬曰有國必亡自
古皆然而未有羞此者也崔鳴吉曰國家以守義理之故乃至於
此似無可羞之事也張維曰若思利害輕重則一和字外更無
他策今日料理之事如斯而已 上曰卿等有何料理乎金瑬
曰自 上若料理則豈無後禍之術乎 上曰既到極盡地頭

當坐而待亡而已張維曰臣等欲有所啓達而不忍發口只自悶盡而已一坐仍嗚咽痛泣上曰欲送世子於虜營之既乎金瑩曰交質之事自古有之設使世子往于虜營必不耻迫而入去瀋陽亦必好還矣上曰安有是理自古雖有交質之事而此則非質也張維曰事勢危急故不得已發此言也此案僥倖於万一豈有万全之理乎上曰不必多言羣情若此則吾豈惜世子乎上曰既送東宮之後彼賊更加一層則將何以為之張維曰世子既往之後彼賊意欲無厭若又更加一層則無可奈何也上曰羣情若此則三大臣率往可也上曰國之存亡今夜必決矣暇及他乎金瑩等僉曰事雖危急豈有如此理乎上曰南砲樓甚為虛疎而又不置砲手云國之將亡事類如此豈非天乎鄭廣敬曰將門後一處城且卑低亦甚虛疎也上曰人

才將才之不出何若是太甚乎君上若賢則必有人才而今乃若
是不過君不賢之致也金瑬曰南砲樓則具宏守之必無虞疎
之患也 上曰存三當決於今夜不可不夜擊和好之言更勿為
之也洪瑞鳳曰才王子所任處甚為虛疎云若抄精壯砲手而擊
之則庶或有利也 上曰存三今夜必判矣卿等宜善為之金
瑬等告退 上謂崔鳴吉曰吏判進前鳴吉進前 上執手
泣謂曰國事至此奈何、此後與卿相見難矣日者之事卿
亦見欺事雖涉於謬誤而卿之忠誠人所罕侶一心奉公終欺
不懈若使如卿者多在朝則國事豈至於此也崔鳴吉曰今當
之事臣竊見欺欺彼宣敕每欺人乎 上曰伊賊甚凶朝若
大臣之去也馳騎而出使不得見其營壘豈可函也李貴在在
時常憂此賊欲使羈縻矣今乃至於此李貴若在必不便乎

至於此也罷出 成時至堂李時楷金益熙侍講院林棟徐
祥履俞榮等請對入侍承旨崔荇假汪書李楷記事官
金弘郁俞 李時楷曰彼賊有持久之勢非為和事也漸出
加一層之說豈不痛哉和之一字勿信可也 上曰予固不信矣
上謂承旨曰自募軍今夜出送可乎崔荇對曰若不出送則
士氣摧沮矣俞 曰國事至此因措之今日臣僚豈為 孟子
出送之說乎臣之此言雖或越我不勝痛惋乃敢陳達李時
楷曰自 上勿復他念也即墨孤城尚且恢復若能堅定
聖志專意攻戰則豈難却賊乎崔荇曰日氣甚可幸也
自 上巡城之日軍卒頗有激勵之氣今若出戰則可以得勝
此時豈出他說乎金益熙曰今則別無講定之事以和字上
達者非罪之狀汝可以擊賊也林棟等僉曰吾君元良必欲

送之虜營誰發此言是何計策不勝痛駭為遂出群痛泣
林棟曰今日之事甚為煩惱自古奸臣誤國必由和議而未有
如今日者今之主和者如不定律則國家之事更無可為者矣
欲以吾君之子乃為奇貨寧不痛心哉 上曰此豈有自身計
乎棠為 宗社生靈而發也朕此事予亦知其必不成也林棟
曰臣之愚意以為重賞之下必有死士若以厚賞激勸則尚
亦有利矣 上曰重給爵賞予意亦已有定矣崔苻曰此賊
必夜擊可得勦滅之功矣徐祥履曰當此危急之時賞爵豈
宜占吝乎俞榮曰有賞必有罰今日奸臣必先定律朕後可
成大事矣 上招大臣備局堂上泣曰國事至此何以為之乎
雖才德薄劣本意則不欲為不善而今日之事竟至於此一身
之死不足惜也父兄百官滿城軍民緣予之故而得盡淪陷古

今天下安有如此曰歟之事乎塗聖亦等泣曰 殿下臨御十
四年曾無失德決非亡國之主昨日若向江都則可以得達而
玉體不寧出門還入安有如此問迫之事乎 上曰予病不至
大殿豈以病而還入乎中詒思之賊兵已逼矣若逢要擊則
必未免同歟之辱故還來矣塗等曰事已急矣 殿下脫身
只牽勲旧十餘人微服而出東門直向忠原或踰嶺南或駐湖
南則聖亦當留此以死守之 上泣曰是何言耶從予入城若是
内外族屬共父兄百官也置之死地而脫身獨走將為往哉設使
幸而得生何以奉顏於天地耶塗瑞鳳曰事已急矣不可不請和
伊賊若得勝勢而援兵之來亦未可必在我之勢必比丁卯加較
層狀後可以見許未知將安出 上出拜嗚咽掩抑良久曰
事已至此寧外他事此非人今當為之言也事幾已急矣當更

無餘地極其尊敬惟命是從為辭如何僉曰上教至當到此地頭何暇爭名今當極其尊事之禮臣往見時亦叩頭再拜無間於事中國之禮為當上泣曰勢當如此三百年血誠事大受恩深重而一時逢廢朝時所未有之事諸卿以此何為哉當倫紀數滅之時幸其當時立節之諸賢為此拚亂之事業居人君之位行人君之事者今十四年矣豈料終故犬羊禽獸也哉朕諸卿有何所失緣予薄劣無狀致有此因極之憂也諸卿之奈何諸臣皆泣曰緣臣等無狀而致此也

殿下有何得於天乎

上泣曰春間年少之人思慮淺短論

說太激當致此禍當時若不絕彼使則假使有禍其勢必緩矣僉曰年少短慮之人誤事至此矣上曰何獨其人之過哉此論案是正論改予亦不能拒絕以至於此案因時運何獨

故啓於其人耶因謂瑞鳳曰領相則主兵矣卿可共事景稷
偕出見之耶對曰臣何敢辭但伊賊必欲見親王子則何以
荅之 上曰當深謝前日之罪諭之曰大君往在江都大人若回
兵小却則當自江華追及於汝左云可也事已至此雖請東宮
亦何敢辭但吾意則和事必難成矣塗曰渠身孤軍深入
所欲只在此豈有不許之理 上曰予意則不可必也因出拜
嗚咽曰古今天下豈有如此事耶他日設或得生將何面目以見
中朝之人將何顏面以拜先王之廟耶古今天下有如此事耶諸
卿、何以爲之諸臣皆泣曰和事万無不成之理塗曰崔鳴吉
復可送之也鳴吉曰臣出去而苟有利於 國家苟万死不憚
苟到此地頭術數亦不可不念臣之今年之數甚不吉術士輩
皆以爲謀國謀家無事無成區、之意亦不能無慮也 上

曰吏判見欺已多不可使也。瑞鳳曰朕則臣等往見時當以
極尊禮待之乎。上曰當如是也。塗曰非但以極禮待之言
辭之間亦無置餘地可也。于時世子在側不勝嗚咽出門外在
於史官之房矣。遂送洪瑞鳳金蓋國如雷營。招大臣命之曰
急送俗例人言于彼曰朝者纔送人使都副元帥入衛矣。今則
和已定自我已送人還定矣。汝輩若或見之亦可催還也。預為
直言之可也。塗曰幸若無事得達則何必先言於彼乎。上曰
若或見捉有台此定和皆是今日事將何以為辭耶。謂申翊聖
聖亦曰此事甚為關重自我先發則當有發明之辭為彼所
獲則是我未免欺彼之跡也。予意則使去人伴為彼所獲言
和事未定前曾令八道及都副元帥入衛矣。今則和事已定故
七道有旨則盡為收入而黃海道有旨已為發送故為其催還

而去云々則甚為明快若無端見捉於彼則將何以為辭耶塗
曰有告賣去人亦或未發矣 上曰雖不為彼所獲佯為見捉
以索告之則可以止彼之怒而明我之跡矣已而海西有旨持去
者還入來朝聖曰暮人送西路知賊兵結末此否何如塗曰
平安道則道疏大通云決無後兵矣仍進曰深恐 玉體之
有傷也 上曰彼不能自決寧有飲食求生之道乎得賢士
大夫為人君事業十四年不忠不孝一朝淪於禽獸古之君有
不能自決令其臣自殺者蓋如予意而朕也不能早死見如
此事臣僚固不足言對子亦污顏卿等亦何顏面立於世乎
當廢朝倫紀數滅之時其一時立節之人倡為義舉予雖才
德薄劣別無云云之事而猝逢廢朝時所無之事君臣上
下更舉何顏面立於世乎予之生死固不足恤二百年 宗社至

予身而將滅使萬一苟活如見中朝人將何以爲辭耶且彼向
板橋者何意耶瑩曰如欲絕三南之路也 謂中翊聖曰天
下安有如此事耶卿亦危重他時皆不來而獨來辛苦耶聖
和請對曰今晚和議已定竊恐 上心太惑也自古洪國無由
和守臣意招集四方勤王兵使賊有所畏而請和則和事可
固矣不爾則是宋朝之事身和事若終未成則君臣上下無
寧背賊一戰若一向和議賊未不討竟有青衣之辱則其將
若之何哉 上曰卿備得何賊具耶賊若犯城則萬無不戰之
理卿何有此言耶廣敬曰聖求之言緣何以若是聖求曰沮四
方勤王之兵是用爲問耳翊聖曰聖求之言善則善矣勢已
至此其將奈何賊若登城則可以一戰而圍而不攻者蓋欲坐
困也 上曰以今觀之前日胡澤之言彼見破於天朝者亦

瞞我而不出也又謂翊聖曰今番之事成乎不成乎對曰以其
所為其所行見之難必其聽從也大堅渠初無深入之意而
緣西距無一人防禦以致其如入無人之地今若如是而不聽則
成敗之間只有一戰也廣敬曰軍情初欲捕零賊可以許之也
大堅存亡之勢決於今日也翊聖曰國家存亡是何等事可
容人為於其間哉只當聽天而已李曙請對上曰欲言何
事耶曙曰緣臣等無狀致有今日之變臣請伏誅戮以謝國
人翊聖曰曙言誤矣當其平日受國厚恩領兵為將終
以賊遺君父而身為大將無所營為徒歎垂涕作楚囚悲是
豈將臣之事也曙曰賊兵則似不多而城中之糧既不足外倉之
穀未及入是可悶也翊聖曰交戰決不可為也昨聞絕和武將
無不服慄以若是之輩其可望摧鋒陷陣乎自古將帥例

出於草莽貴將則決不可使也廣敬曰此言誠是富貴已極所
患在失決難任之翊聖曰自古敗亡之國皆由於事勢不幸自
後視今何以異哉視今日和事之成否募將不拘地望使之擊
賊可也曙曰我國至誠事大小之事無間於國內屏翰今者
代受其兵若此之酷徭或少屈有何可愧軍兵達夜堞上飢寒
已極請令姑下炊食還上如何上曰雖朕不可空城也廣敬曰
所達之事皆不緊請使退去孝之恒金弘郁進曰臣等以摘
好事往城上軍情則無不激動若令徭戰事可為也廣敬曰
所患者將帥生怯軍兵則無怯矣曙曰軍則無怯也弘郁謂
曙曰怯者為誰不答而退出季時楷清對曰聞和議已定云
彼整欲難填何以為之上曰予亦知之出於不得已時楷曰
都副元帥及平章安其使之罪尚忍言哉願出奇兵擊賊却之

上曰出於不得已則當有此舉矣景曾曰李景憲之奴入來
逢著賊人則只奪人衣服共馬而不為殺害云 上曰逢著
何陣兵云耶曰似是王子兵身李景輿進曰不幸而遇如此
之愛者何可救耶在臣外不得陪奉外廷末訖而以臣所見
和共戰皆失策也大槩自古有如此愛則必為今朝而今已
無及矣朕八路無事另令可通羽檄徵兵鼓動忠義之臣以
和事若成則不七入衛不成則速為動 王之意下諭可也不成
而後方始 下諭則深恐緩不及事也且竊問者排謀軍卒
立於雪中飢寒甚急決不可堪請 下教諸將晝則分番休
息夜後可以持久矣復率孤城無他賞格之物請頻遣近侍別
加存問以示慰撫之意 上曰其言是矣兵房承旨外二員分去
慰諭可也景輿曰大臣既已出去已無及矣似聞和事不遺餘

地云此可慮也

上曰勝勢在我則可以遺餘地予奪在彼豈

容我操縱如是乎成惟有背城一戰而已羅萬甲進曰景輿所
連下諭之事無發落臣竊問焉持去之人設或為渠所獲

以和事難恃收預為知會答之則渠亦何怒之有 上曰如此

則不成說話矣教書既下和字則何以感動士氣乎萬甲曰請
令李植略改措語速為發送 上曰張末在朝前視勢為之可

也萬甲曰請令自募或二十為羣或三十為羣出沒要擊則彼
必有所憚也 上曰其使罷手下戰引賊上來而擊之可也不

然則彼不上未美萬甲曰雖謀分軍野城之謂也此城天險既

固而天又冰凍渠難飛入絕險之處則不須分排盡則令軍兵

休息然後可為長久之計也臣見李曙所率頗精銳自募者

亦多請令自募誘以重賞如河艘府軍兵亦可用也人情望

見天顏則無不動目上若殿座招將士親諭激勸則雖頑
迷如小臣者亦且有死之心矣因泣下沾襟金鑾進曰伏兵乍
惟尚不出送時未知賊衆多寡豈有如此而保存之理乎景
輿曰設和稍緩之際渠若添兵出來則事無可為者請及其
後軍未至而擊之上曰緣我無狀諸父士從而露宿凍餒
安有如此事乎萬甲曰若徒知匹夫之諒只曰無如之何則終
亦無如之何伏願堅定聖心勿以無如之何而沮士衆奮發
之氣上曰午前當有決未豈可衆會軍兵空使凍死而已
哉其其等死無寧一戰安知如此而却賊還都乎崔衍曰有一
事急可為者也許多自募者盡為賞銀則平時財力尚患
匱乏坐此孤城何以繼文小臣之意多成賊帖給御營軍等
告之曰若得立功則仍以此帖許公為案判官則渠必激勵而

倍且三南軍卒不日當到亦以此諭之 上曰此言不可高聲

大唱以播於衆也

指何以搖之語也

戰陣之事

中朝亦行之當預為戰

陣及事目先為曉諭隨切多小即為出給可也李之恒曰雖府

院君亦不惜之如何景輿曰各衙門軍官皆為衛之兵而壯

健者皆屬

請專屬體府以為備敵之用萬甲曰頃者西路

募兵之日各衙門軍官或自募則其將帥必盛怒重治此

宣理乎景輿曰臣忝在該房伏見主事之人皆以年老意氣

消刻夜則改寓晝則坐睡以此屬決難有為也伏願特命如

此年少之人擬行其事且無軍戰者不得共於偏局之說此亦

欠事也景輿曰年少人有何謀策

此情

何可易將

上曰姑待之

渠若要找出見則其意之不在於和可知朕後則當有一戰而

已金尚憲崔來古請封

上曰國事至此尚復何言來告曰

無復可達金尚憲曰到此地頭萬事不須言第未知目前之事
何以處之耶今日之勢惟當以和却賊也朕自古無不戰定和
之理而賊心又無厭何用不備戰具而只恃和事耶守城分排
及諸道勤兵聚會間始為霸縻則可也賊之多寡窳窳不能
知一向清和不為備防則賊見我國奔散失措乘勝爭驅不日
而大兵至矣宋理宗時吳潛之言亦可鑒也為今日之計必自
我示必戰之形朕後賊有所憚未知 聖心何以定之耶 上
曰古人之言案非偶朕而我國事勢無一可恃將若之何尚憲
曰使國事至此羣臣之罪尚復言哉請自今改過如何若
欲世逆其言則狼狽無窮雖送親王子必更加一層請責勵
諸臣無終為和字所誤昨日城中聞 上責勵諸將無不激
勸不日而聞 上更說和事無不解馳笑且聞賊到城下而恐

誤和事不敢報犯犯云如此而可以守城乎來告曰臣於大
駕巡城時隨 駕往見軍士寒凍不能措手是以見之決
難守禦甚可憫也自前每恐妨於和事不為戰守之備目今
戰馬飢立已過牧日決無復用聞 中朝亦有賞激勸士
之規若用此法以却此賊則幸甚尚憲曰 殿下使臣之日久
矣臣本迂儒素無謀策所謂必示戰形而後和事可固者
其亦如何 上曰是則是矣將士無可堪之人奈何尚憲曰勿
謂無人今人即古人豈無可用之人率徒之中亦豈無可合中
軍之人乎必自我示戰形狀後敵可戰一邊招諸路勤 王
兵使之入衛如何 上曰其意甚當矣尚憲曰守城之卒亦
若有忠義之心別加慰撫勿以徒言均施賞典鼓其氣上
曰予亦非不知也當此板蕩無物可給奈何尚憲曰聞不僕

銀子五千餘兩昨日入來云亦可分給也 上曰朕美來吉曰兩元
帥所率軍兵速令入衛如何以賊遺君果人臣道理乎尚憲曰
若 上意堅定則君臣上下皆當一心朝廷則一邊敵和而將帥
則專為治軍乃其職也國事至此深恐自 上終誤於和字也
洪瑞鳳等往見胡差云未知定奪如何而第念自我加一層則
彼亦加一層固知其終不戢也急令備戰具 上曰緣我無狀使
卿見此事奈何尚憲曰羣下之罪也前日之事言之無及請自
今急備戰具使賊有所畏而先乞和來吉曰如臣展為亦是
以當一謀諸道勤兵雖至無糧可守若或一敗則更無以為形
請分兵利峴等處為防禦之計退出 上招金瑩曰聞自司
僕訓局銀子入來云分給軍士如何對曰甚好但未知銀子多
少以撥或使狀 啓 上問瑩曰此事可施否又曰銀子斯速分

給大臣家哭與內官等費來云並此均給可也塗曰軍數九千
餘名似難盡給矣上曰賊來而不放砲報愛何耶塗曰恐誤
和事姑為藏兵以不放矣上曰以予見之和事似不成曩得敢
死士為守禦之備可也塗曰覩此賊每加一層恐不可成也上曰
卿等年老如此大事不可以常規處之擇伶仃軍官頻往見可
也塗曰小臣近來多病足蹠所裂行步輒蹇未知死生如何也
今日賊來城底而問射其不射若賊來之後必問臣而射之則
定失事機縱使為和到城底則射之乎上曰豈可不射且賊
來而不為放砲何也塗曰由於和事也視軍兵分堞不均或有壯
健處或有疲殘處至於水原軍兵國之所恃而無一人可以倚
仗者矣上曰何以如是乎曰此之他邑則似優而大緊鄉兵無
足可用精抄軍則頗精矣呂州軍士兇械甚不整韓必遠

年則不少而迂儒不知兵事如此夫因曰今日之事何以停當耶
未得知之深加盍曰 上曰聞故武士輩在何處耶塗曰難處聞
間不能詳知今知武士無不有屬處矣 上曰自募事書榜令
軍士持往各謀使之募得耶塗曰已為挂榜矣諸色軍兵雖守
城堞賊勢時未甚急豈無自來應募之暇乎 上曰我國之人
甚無案不足可用者亦盍托以應募空堞而來則亦不可矣塗曰
貪賞之徒果不無此弊李時白獨專重任其為國之誠雖重
而才有所不逮沈器遠加定以送崔鳴吉請 對曰徵兵有旨
並為收入深用問盍仍袖出小帖以進 上點和字曰此事不足
以激士氣姑待今番處決後送昨日所書有旨可也鳴吉曰今
日之事不成則彼賊或十餘為隊或二十為隊分屯各處云急縱
兵擊其一处如何塗曰彼賊分力處多而其兵數少故如是分

屯請募壯士趁今夜擊之 上曰朕則速抄壯士也鳴吉曰有

全淵者最是壯士塗曰南門軍中一當百者十餘人皆小臣軍
官此事可以任此事也 上曰使渠為將各率砲手或五六或

七八往擊可也鳴吉曰自 上親自招見別給銀兩以示嘉獎

之意則應募者甚多矣如是賊亦疲困請和矣塗曰我國

之人不習戰事軍人及避亂之人無不引頸就死以使賊心日

驕不可不一擊也鳴吉曰古廣州及利峴路屯聚云先擊此陣

如何但未未知南陽之路亦為屯聚否也大堅無偵探之攻不

知賊兵往來多寡請別遣人偵探其要害處 上曰要害處

則必為伏兵何以偵探乎鳴吉曰雖不得身親往見亦可探

問而來也

上曰速為招募將士

洪瑞鳳金蓋國自虜營

還

先廢伊賊更加一層必要
世子的事決難得成云

上謂瑞鳳曰緣我無狀為此不忍為之

請而亦不得遂其將奈何使城陷何必人皆死乎但以予之故
貶累父兄百官是可恥也瑞鳳曰從前論議之誤人國家者何
限廷臣以輕慮淺見釀成大禍至於此極可勝痛哉上曰宣
獨是廷臣之過緣予不明不能折衷莫非因校奈何朕人
謀不臧之過則有之瑞鳳曰真所謂排惡速禍也金塗請開
闕門上曰何必開之瑞鳳曰有報復施以開之矣仍曰臣以
朝者定奪之意言之於彼賊則更加一層要出世子臣謂前
後文書未嘗稱世子而今更為此言何耶云言未畢上搖
手止之曰勿復說不欲聞也蓋國則曰名分上則渠不許之矣
其言曰以國王之子見皇帝之弟有何不可乎瑞鳳曰渠頗知
高麗時事而問答之臣言曰世子者國之儲君國王有政則
世子為王故雖以中朝之法無世子入朝之禮大國新政之初

當以古法聳動而責以前古所無之事何足以服他國之心
乎王與諸將聚首相語良久曰南國前古曾有世子入朝不得
好還者乎上曰漢人與我國皆知之豈無所聞而云南乎瑞
鳳曰以其處所見兵力不壯而以分排見之則似不小矣蓋國曰
渠言皇帝當大舉而追到昌城北路亦已分路出來云矣上
曰勿說也此地甚寒非老病人所堪若出蓋國曰即官李福
入去之後賊兵把守東大門水口門云恐未得達也此時銀子持
來者並勾管所銀子三千餘兩矣景稷曰小臣之意明日亦
欲往見如何上曰只是虛事勿復為之謂蓋國曰終條以
何事畢耶對曰臣謂前日之事萬一有罪按之無及此後寧
有不誠之理荅曰吾等不為出來時雖送某王子可也今既大
舉出來不送世子則不可解出世子雖來豈能久留乎云云矣

臣意一端苗脉不可絕也其今日偕往大臣更為往見如何
上曰豈有是理景魯曰城堞摘奸事督戰御史出法似當申
飭更送宣傳官分更巡城如何 上曰一更之間以四人羅可
盡巡分定一人以送

十二月十八日

上在南漢山城○大殿以院玉堂二品以上問安荅曰知道○
查子宮問安荅曰知道○備邊司 啓曰行上護軍金尚憲
新豐府院君張維本司堂上差下行護軍尹暉有司堂上差
下使之察任宜當敢 啓傳曰依啓○傳于韓亨吉曰圍籬
以下遠竄罪人並放送平山定配儒生並為放送 傳于崔符
曰內用弟三名今後曹入之 右議政李弘胄劄子伏以臣於老
病垂死之中遭此蒼黃因極之憂顛倒到此而再昨巡城

舉動時徒步隨行中逢氣盡伏蒙老病臣退在之 教扶
曳而還足掌繭痛寸步難運不得隨奉於入 侍之列惶恐
同措伏地待罪請 命正正臣罪以為人臣之戒不勝幸甚
荅曰安心勿待罪 傳曰宣傳官閔震益六品案賊除授被
害宣傳官李續祖贈我子息除授 都撫府 啓曰副撫
管中景裡驍府中軍李時英馬隊別將皆有所掌不得
宿衛請並改差急 傳差出何如 傳曰依啓 司僕寺
以提調意 啓曰本寺所儲銀子七千六百餘兩十四日蒼黃之
際色吏秦應琳等六人能為收拾載一車子共牽馬御營軍
二十名同護出城十五日向城之時賊始散掠我不保矣主簿
金壽昌適到今作二十囊御營軍二十名各授一囊及至城
外賊追甚急主人所持六千三百餘兩壽昌並以護入三人所

持則被急棄還收拾出城之吏中訖護未官負金壽昌可
賞朕非御營軍則何能得乎若以此依天朝例賊一級定
給錢兩以爲激勵之也似爲宜當伏惟上裁傳曰依啓奏
應琳及御營軍等並以此銀施賞李景曾以協守使俞
伯曾言啓曰俾臣領率扈從士大夫登城徧禦事命下
矣典籤俞是曾前正郎李碩基前典籤任賈之前都事俞善
曾監察尹益元都事李忠淹臣從事官自聖司果李重匡
別將自聖掌軍務及分明老病人外堂上以下並爲領率之
意敕啓傳曰依啓傳于李景曾曰楊州哨軍荷金以哨
軍衝冒賊陣挺身獨來忠誠可尚今後當論賞兵書
啓曰本曹郎片各有所掌正郎宋錫胤病重改差以無故人
依例口傳差出何如傳曰依啓傳曰守堽將士當此嚴

寒凍餒守堦晝夜不懈忠誠可尚雖無斬獲之功予甚嘉
悅克賊之後當論功行賞今姑中軍以下未出六品者陞授
六品案賊五品以上次各授案賊堂上嘉善則案賊除授
軍卒則限十年田稅並一免復戶義禁府啓曰圍籬以
下遠竄以下放送事傳教矣圍籬罪人則今年四月大
需鴻恩之日勿論逆賊緣坐關係國家盡撤圍籬降為遠
竄矣今承遠竄以下放送之命令若道監司盡為放送
後一開錄啓聞事行移何如傳曰依啓督戰御史
李時楷趙壽益金慶餘宋克賢朴守文等啓曰御營軍
接戰事已為馳啓詳問之則我軍西山居朴男被殺賊兵
則五人中紀見其尸身死則已為載去云朴男屍身似有驗藥
之舉敢啓傳曰事極惻然起即營其妻子恤典除職

等事令驍府舉行 傳于李景雷曰部將邊以津 親
臨宣諭時自願出戰忠誠可嘉六品迂轉 御營斤 啓
曰出戰別砲一隊出門東面值賊於望月臺東峯距城二
馬場許進退力戰中凡致斃者六騎而戰死之尸冒死要
去收不得斫取只得胡夫十二个未納一時上遂且出戰中一
逢箭殞命一人中矢暫傷不至大段矣砲殺六賊之說只憑
渠輩之口則似難憑信而督戰巡城兩御史巡到相望之地
親自目見云、以此推之則似非虛語故敢 啓傳曰知道
一人殞命極為慘惻遂即殮葬妻子恤典錄用等事各別
舉行出戰人賞格依前 下教恭酌施行 御營斤 啓曰出
征別砲因宣傳官未宣 下諭之意即令沒收徵還則無一
人致傷者而砲手等爭言中凡致斃者五人被傷者二人馬

匹亦為中元云而皆是渠等誇矜之說雖不可取信戰所可得
胡箭二十四介絲藍兩色旗二面則進退力戰之狀推此可想矣
我兵二人追入賊兵屯聚之處掠取銅器茵席等物又為來納改
名操等物輸送于驪府之意敢 啓傳曰知道雖未斬級忠勇
極為可嘉合驪府恭酌施賞可也 敕城內大小軍民衆士王

若曰予以寡德遭此否運智不能明察仁不能博愛非不欲利
民而民未蒙惠非不欲強兵而兵不用命以致奴虜侵凌愛生
丁卯予念宗社生靈之重權宜許和甘受恥辱計非得已心亦
憾矣今者虜僭稱大弔卑侮我國予為天下大義斥絕其使此
今茲禍亂之所由生也目今君臣上下同守一城和議已絕惟有戰
耳戰勝則上下俱全不勝則上下俱亡惟當死中求生危處求安
協心齊力奮身雷敵則彼虜孤軍深入其強易弱四方援兵

相繼而至天若助順可以全勝惟同在此城之人上面保下如父故
子下而衛上如子故父則兵雖小可以敵衆况今我兵尚多於彼
乎嗚呼同患相救同病相恤在陣里且狀况君臣之於父子乎况
其守一城死生共同者乎予念爾等當此苦寒相從險難薄
衣糲食暴露守陴觸日傷心有同刺痛在身而無以覆育
此如父母無資財以育其子也惟望爾等各奮忠義共為約
誓則於攘却此虜共為大福則他日相保相愛亦當如父子功
爵之賞豈足道哉茲教示想宜知悉 午時上御闕門
外階上曉諭百官軍民前參奉沈光洙伏地請斬霍鳴吉以絕
和議以謝軍民 朝前參奉沈光洙請 對曰臣有抱腕急慨
之懷欲為陳達不避僭越而來也今者孤城在圍國事危急而
廟堂之臣拱手而坐當無畫一策退強寇之意而乃以 王世

予欲送於虜中安有如此痛駭者乎不知此言之必發於誰人而聞此言者莫不欲食其肉不罪此人將無以鎮軍心而保宗社有此相亦將何用哉聞金尚憲入來城中云若相此人庶能擊賊必加重律於首發之人而命相金尚憲庶幾鎮服軍情也上不答沈元洙曰臣願聞發落而退去也上曰既知爾之所懷出去可也義昌君請對曰臣處於外廷不知廟堂之事今聞王世子出送虜營之言國家之利害得失臣不敢知之而存亡禍福宜共同之豈可更及於他哉臣聞此言不勝驚痛寧欲自決於殿下之前不聞如許等事說也未知此言是耶否耶上曰此不過禦賊無策而外豈有他意於其間哉對曰國之元良亦人君也豈有人臣而以吾君此賊者乎誰為殿下畫此計者臣願共其人同死

于殿下之前而不欲更聞此言也因發聲痛哭上曰因予不
辟以致如此復誰咎哉亦泣下為政韓興一為左副承旨

韓亨吉為右副承旨閔震益為引儀兼祔軍李明傳為

兵曹正郎朴得春為宣傳官李德洙為副護軍宋錫胤

為副司直崔來吉為副提管李榮為副提管許靖為宣

傳官已時東陽尉申翊聖請對是晚大臣偕局入對事已急矣請世子以緩禍蓋世子令

願為出去以緩其目前之急故大臣諸宰有是請翊聖曰王世子入送之說誰為殿下畫此

計者其無理甚矣獨不見宋之事乎欽宗先被執而徽宗繼

見虜殿下亦讀古人書矣豈不知此當此之時乃共執君父遺

賊虜之大臣共圖國事則不亡而何待乎臣自十二歲而先王

黜焉受恩深重忍見萬民周立城隍而執世子遺賊耶臣

當以此劔斬首事者之頭手執世子之馬嚙其之同碎矣幸

勿為恠焉 上曰廟堂之言不至如此而卿亦誤聞矣雖欲有
為廟堂皆醉奈何靖聖曰何不點去醉廟堂而擇用不醉者
乎古今天下豈有忘義之廟堂耶景曾曰臣目見方外人
心皆怠於和議此誠振作之機也城中受困而人無畏色蓋見
賊敗之甚小也南擊治越邊作陣者亦半是萬人云矣 世子
曰何不偵探耶 上曰事已至此和亦已矣君臣上下惟當分死
一戰城中士民處通諭此說如何李植曰城中士民之心無不願戰
軍士及大小人負死並作 教書諭之如何 上曰不為浮辭漫語製
文略而盡以一教書同諭大小人可也金弘郁曰 教文中當及言
和者無赦之意如何 上以承旨望教曰羅萬甲已定將任堂下
中可令人並擬李聖祐請 對臣聞南擊治敵危親往看審分
城下果平而有天塹在下賊必過此敗後可以容戰而其塹甚深

千兵不能齎上矣其宏在其處亦言千萬無慮云矣但日寒如此凍傷而不得飲食屢日持久則恐有疲弊之患此外無可畏事而只以令出多門夜出交睫使之輪回瞭望而時、假寐朕後可以長久也 上曰夜則不可寐也聖祖曰高臨千仞遠

窺賊形見賊呼寐亦無窘迫之理况山勢危險千兵萬馬不能齎上不過五六人緣崖而上豈有不及防之理督戰御史者當戰時所用而預為差出使令出多門承傳史官夜巡甚煩軍兵不得休息深以為苦若不不得已則抽柱摘杆可也內官守門亦好矣而此輩固執太甚使大將不得任意開閉雖有當出之人輒為內官所阻將官輩甚以為不便矣 上曰言于內官傳令分明則即為出送當飭之人亦依大將指揮先飭後賒可也但卿言似好而賊人乘夜登城為夜警則甚可

憲也晝則使寤也夜則不可睡也炬火亦為燭之否聖起曰
不得為之矣檠上懸燈挂出城外則可以遠望炬火則但燭城
內而不燭城外矣俞曰臣亦嘗為夜摘奸無立火殆也聖起
曰當十分檢飭別處則燃燈為計且沈器成當令出送言于
其兄使之募兵城內軍兵不及入者盡為招聚使器成為討
捕使兄召漢南弟召漢北處令捕使三南軍兵亦有所恃
而得達私兵亦令募聚何如上曰器成其可往乎聖起曰
渠願出去矣上曰能步往乎聖起曰此處何以騎馬乎上
曰大臣之意何如聖起曰大臣則以為當矣上曰朕則定將在
出送李時白請對曰一聞四門及諸暗門之後必啓
諸標信而開門若賊來城外之時則可也今者軍中樵汲無路
且臣所守處如列屏風便於遠望而可畏處則不可不燃火城

外而瞭望可以十分慎密請令小臣親自開閉出入如何 上曰
在所不得已則當依為之朕亦不可不慎也時白曰避亂士人尹
弼者來到城外謀卒之兄亦到城外告訴而不得入不信之人所
當詳密如此之類不可不細且昨日則都監馬隊十餘人到門請
入而亦不得細極為可悶視賊勢則三處之陣皆不多審察其
所為小臣所守處極為危險而有一處暫平攻每屯聚於此其意
專在北南西門也攻郡亦為設陣夜則宿於松田每朔半出此處
半向攻郡今日合馬共老弱三十人直向京中似是迎待後兵也
朕以此決難犯城矣 上曰賊雖如此在我之道不可不備內官史
官摘奸而還皆言守備甚疎云何以如此耶時白曰專力信地而
東西門似疎矣小臣帶從事官二人而小臣有病故使從事官
軍官達夜巡更而猶或有睡者晝則共夜不同故只令二人瞭

望其餘則相逼就寤矣且原州營將馳報則不來而聞其賊合
戰云今可上來而尚未到想鄉人不知道路故小臣別定三人以指
路送之金羅勤王兵亦不日當到倘過十餘日則事有可望矣
仍泣下嗚咽聞世子自請之旣軍中莫不解弛伏願自今切勿
言此也八道勤王兵不日當來曾不一戰而有世子入送之舉
耶今日之入此城曾所不料也以平時請添軍兵而不為收理到
此地頭悔將何及哉卒雖少豈無勤王之兵而當事者敢
為是旣誰其首事者當可盡誅也上曰勿煩如是聞城堞
有全不令排處云如此處詳察先立可也廣敬曰月黑之後則
深可慮也時白曰懸灯而向城外則只燭城外不見城內軍
法以此為尤好矣出城之士許令自募而臣之所守處寂為信
地均小臣約軍中不為出送以待賊兵自來而擊之矣上曰

兵家之事當臨機應變十分詳察為之稱以自募而至於空
堞則甚不可也時白曰城堞空矣請退廣敬曰信地將帥非標
信則不使難也 上曰已自體府傳令以來耳廣敬曰督戰
御史亦勿使任意出入 上曰相遞出入不得任意下來事言之
朴漢清 對啓曰今日 下教事已而舉然而軍兵稀疎處則
無餘軍不得充北門鎖鑰改造事已送匠人韓景仁已為給
予呂州色吏則決棍閑坐軍兵則分輕重決棍呂州兵三日
糧亦為処置陰竹等官失資軍兵分守信地不可招來改使
明日放糧於堞上信地自募軍不許下來改無屬處人三十一名抄
出代送濟州人送于東小門不在信地之八名及雜色四人朝官並
三十一人方聚待 關門外聽 傳教後當分付還送矣 上曰
善景嘗曰堞上軍士則令督戰御史讀 教書諭之矣此處則

令何人讀之乎 上曰此處有何如人乎景曾曰此處則只有士大夫而所 啓人等矣 頌 教書人 明知絕和之意矣 上曰問于大臣以來漢曰同城之人無不激勵出萬死之心雖無教書豈不感動但外方則不可不頌而今日有 旨不及此事誠為可恨 上曰徵兵有 旨亦可送之乎不可以一張送之書致張令送為可景曾曰一道若送一張矣漢曰似聞忠清道軍兵遇賊多獲云理勢似然矣景曾曰然則出外問之乎 上曰城中只有百官雖不曉諭可以知之然且讀諭乎只諭堞上軍兵乎問來漢曰視此城形雖鉄騎萬無一時上來之理其所以上望月峰及南擊殆越邊者所以惑此城中人也設使賊兵潛踰一隅而入不過步入失馬之胡將何為乎臣故曰不為撓動則萬無可為之理而但軍士凍餒持久則難堪是可慮也 上招

金蓋國曰斬賊者給銀五十兩如何對曰中原則如此而此來銀子不多不過二百頭之賞何以爲之 上曰初頭則依約給五十兩後曰不足則減之如何蓋國曰後日當給幾何 上曰給三十兩蓋國曰亦不過四百頭之賞軀臣則以爲十兩亦足云矣今聞二名已斬賊云自何處給之乎 上曰自內給之銀兩姑在內不足則當下教更入之矣當給幾兩蓋國曰先給二十兩追給三十兩何如退去上謂景常曰出入軌拜有弊此後則初番入來時外勿拜可也

十二月十九日

上在南漢山城 太殿政院玉堂二品以上問安 荅曰知道○世子宮問也 荅曰知道○備邊司 啓曰城內居民鮮少募入之人皆是凋殘本州官吏奴僕校少無形而即今內外不通軍中大小種策應之事悉皆責辦而又非預先料理之事許多負役軍

兵接寓之際自致撓害之苦似當有別擣慰之舉城內
居人限五年一結免稅復戶其中勤苦表著者賤人則免賤
良人則別擣論賞事各別挂榜知委俾知朝廷德意何如
傳曰允○御營斤啓曰今日急務莫如召集八路兵馬以爲外
援之休召集之策專在都巡察而昨送備邊司公事傳致甚
難今者本斤軍官中募得壯士閔汝龍申佑命閔承彪等
三人昨日出戰時亦先鋒深入者其中閔汝龍直犯賊幕奪
其幕中之物已立之功不爲不少此人等又欲去沈器遠處所送
文書某奈傳致云今作三件書三人各授一件既已出送矣依昨
日事目爲先除職以爲激勸之地宜當蓋汝龍前虞候閔廷
鸞之子也當初此城殿閣廷鸞專掌其時汝龍隨父到
此詳知形勢且爲人慨忠勇可合此用敢啓傳曰依啓

○內醫院官負以都提調意

啓曰內酒房所用銀古兒里蓋具

官負下人步來時以完物負持而難打破取便艱難責來云移

送該曹以軍賞之用為當敢

啓

傳曰依啓○御營厅

啓曰

自願出戰者令明砲殺只是十三人自言放中者幾至二十人半日
詰問終不得其案以不得已當初次知所募人姓名都目以上雖不
得一從事目論賞臨戰之時其盡力爭先少無輕重不可強為分
等致有一分憾意輕重間一體論賞之意惶恐敢

啓傳曰

依

啓○下諭于江華留守張紳檢察使金慶徵副使李敏求

等曰賊兵圍逼南漢今已六日君臣上下寄在孤城危若一髮而
外援不至通諭絕卿等將此岌岌之意自其処急速傳諭于
都副元帥及諸道監兵使処使之星火赴援前後合擊期於勤
減以救君父之急且本府防備諸事各別檢飭津頭渡陸切禁

雜人俾無一分踈虞之患。暮將死，其妻回報。○傳于體府曰：「達箭軍士送醫官見之，則已死云。其妻子恤典錄用，事置簿。」
舉以欽羨事，亦為舉行。○傳曰：「前萬戶李成翼力戰殺賊，極為可嘉，即陞堂上。」○備邊司 啓曰：「即見留都大將沈器遠狀。」 啓則其兵器成留都副將差出之意，已為 啓請。允下而奔波之際，遽已隨 駕。今在 行在所，戶曹參議南銑以本曹檢飭事適到京中，以南銑代差使當云依 啓施行之意。敢 啓。傳曰：「知道。」又 啓曰：「左通禮李先春危急之際，欲為啟見，老母情理切迫，許令歸省而募粟一款，姑覩前頭時勢，處之宜當。」敢 啓。傳曰：「依 啓。」○備邊司 啓曰：「即今招集外援，一刻為急，賊兵遮絕，傳令無路。沈器成將以招討使 啓下出送而手下無人，則亦難成形。伏聞楊州牧使李惟聖遮差沈器。」

成差下無察招討之任何如傳曰元○左叔政洪瑞鳳啓曰
臣共馬胡遇於山腰班荆而坐者已踰時矣稟煩招見其否
已并啓矣通於崔鳴吉者一矣招見其否有何難事而尚
無息白視此氣色頗以為甚且此邊事速決朕後彼邊亦
易矣所謂王子已到于此見此事端後以為進退云即令叔處
不勝幸甚○四更傳曰史官四負待命巡城內摘奸○午
時上親巡城上自北門至北曲城而止乃還宮○有政沈咒
成爲楊州牧使邊以津爲軍資主簿李禴爲芸文待教文
載道吳士儉爲軍器正柳應時爲軍器副正李元老盧澈
黃浩鄭文暉爲司僕副正李武臣李厦大李森梁應旼
爲軍器僉正金德閔朱德豪文景參安應運金德純爲
軍資僉正朴寬進魯應賢安舜民李璿韓忠後爲司僕

僉山林應湛鄭尚古成毅為軍器判官洪頤性權昱金觀為
司僕僉心盧潤達崔挺海金應天為軍資判官李信民
為司僕主簿李成翼為折衝朴翰男為都摠都事李楷成
振昌金有舜高振趙中一李東益李彥玠為武無宣傳官○
李曙請對啓曰南擊治竅為信地而以京圻軍兵排堞甚
遠濶具宏所守最為險處以都監軍排堞今當擇精銳為
進兵以為赴援之地上曰朕則易之如何曙曰臨亂易陣不
可協守使李景雷所選士大夫依藹人之規分排於諸堞陰出
身卒為游兵如何昨日臣放出四十餘人合戰進退頗有節矣
上曰胡兵幾何曰五六為羣或七八為隊矣上曰自何門出兵
乎曰出自北門矣昨日聞忠清兵使李義培率軍上來再送
人不得達休府欲得壯士往為分付臣送嶺東砲手十二名送之

矣朝出二十人逢賊大戰頗有所獲一人貪功為斬級而遇害一人見失今夜還來矣 上曰胡兵分明死者幾何曙曰一處四名見殺一處六名見殺矣且我軍見賊小無怖色深可喜也 上曰壯哉當賞幾何曰其中一賊而公論如一者五人當激勸名案也若有事變自上當出御將治親自督戰賊雖入城無足畏也自 上預預知之 上曰三南軍兵雖上未必未知抵向沈咒遠處急送人何如曰臣已送閤廷竄之子送于沈咒遠處使自彼通于若路矣 上曰御營軍最壯矣公論的以為中者當加賞雖不得獲中者亦當差賞當給我何景曾曰似聞其賊甚為零星云縱兵擊之如何曙曰周圍四十里之地無一處間斷其賊甚多矣豈有零星之理乎 上曰惑矣豈無一處間斷曙曰不得已則當路出擊外兵不來則雖新復續無益於事而徒斃我軍

豈不惜乎 上曰諸道兵使中能奮不顧身而赴難者誰歟
暘曰人心難可預度閔廷騫之子深以為忿每欲挺身出戰
而臣姑不許出以待徐、矣閔拯年少有材足可仗也李義培
雖無將才頗得軍心亦可上未許完年老難恃也 上曰渠輩
其知予入此城耶暘曰小臣軍官未言外方皆知 大駕入城
矣忠清兵使昨日雖未達今日或可入未江原道軍兵至今無
拜息極可怪也 上曰道路已阻何以得達乎暘曰出身中幕
得壯士頒布各將似好 上曰昨日討賊之後列處燈火依旧乎
曰依旧而小臣所守近處最為多聚蓋欲絕攻郡及漢陽之路
也 上曰今日亦令放軍出戰如何暘曰食後當覘勢為之而恐
有失軍之患昨日應募者亦甚多而不為出送矣 世子曰閑良
則給料如何暘曰具宏所守處越遠之賊夜來或斫木或芟草

云其休極西臣今日出城中所備軍器送于具宏處矣景常曰
銀子當給幾何以不為斬級只給十兩從征者給一二兩其中或
有願得賊帖者給之上曰從征者給二兩有獲者給二十兩○金
董國靖對啓曰臣忝在備局以捕得零星之賊無益於却
賊之大計利峴為賊所扼此為南方通路處臣意若奪扼利峴
則三南之路自通而渠無著之處是案扼其吭也且城中必有
接應之舉朕後外兵可以有時而進臣以此意言於休臣則深
以為朕而以放出城卒四百人為難此則不朕我若奪扼彼險則
賊當專力於彼城中可以無憂也上曰自此有通路處于蓋
國曰由山脊而往則無可阻處縱有零星伏兵何難擊之而進也
上曰善招都体察使以來景常曰其言好矣而但分兵則恐城
內虛疎也上曰利峴長谷遠近如何由山脊而可相通乎若是

三南未會處則真是要害也趙壽益入未嘗望見昨日合戰以
其所見詳達上問所中之賊分明墮馬乎壽益曰朕笑白
晝對敵畧無畏色真壯士也軍情則以為官爵不足望也朕
不可不施賞典也上曰方為論賞耳聞李暉之言則當賞
者幾至七八十人云此未銀子甚小不可遍給何以為之乎壽益曰
某兵中殺賊者五人則給五級之賞使渠輩自分之如何領將
則出身云給爵似好矣塗曰渠雖無斬獲既以領將出去給
爵無妨已令主將查報依所報施行何如上曰無財力不可
多賞微則不足以勸士何以為之塗曰殺賊者給十兩征者
給一兩太小矣朴渰曰小臣之意不能殺賊不必給也昨見軍情
自募者甚多雖不給賞不患無募者矣上謂塗曰卿亦聞戶
判之言乎對曰臣亦聞之真所謂扼其吭也形勢極好而但臣

之所慮者若欲奪地則所送軍卒不下四百名而必須擇精銳
之人不但城中之事似為虛疎賊若以大兵臨其處則敗衄之患
亦可慮臣意湖西軍兵今明當到諸道軍兵亦必躡次入來
外勢稍振而徐為之計亦未晚也李聖勣曰不敵小屯賊可
以縱兵急擊使賊不敢肆也安可專事守城而已乎塗追前
密啓承旨史官聖勣曰臣意以為銀兩賞給事計兩分給似
為細瑣只定級伍而都封五十兩或百餘兩分送若將官使之分
給而無減似便送于厥銀則自當量切勞而給之蓋既無敵賊必
難可明知必其將官問于同往諸卒查其虛實而給之則無冒
受之弊矣漢曰既無敵賊不須差等混給出征者各二兩如
何上曰中賊者當給十兩也其中雖不無詐人豈可以此而並
棄不詐者乎聖勣曰狀則征之類不必給也沈器成進曰小

臣既承招討之命當乘暗出門憂服潛往其臣兄同事
矣未有朝廷事目敢請上曰得砲手以出小小零賊擊排而
前進兇成曰若騎馬則可以如此而既無騎馬勢當月黑後
乘暗前進矣且無其共事者司僕判官權億從事官
啓下率往何如上曰欲俟月黑則定於何時出去乎當往
幾里而路通乎兇成曰若出二十里則可以登山得達矣墜曰
城中出入之人亦不可不謹其出納也蓋國曰本城形勢臣時
未及見今日當欲往見耳此雖非臣職既忝備局不可不一
番歷略也上曰依為之景曾曰沈兇成清令速去如何
上曰速為出往通此急報可也兇成曰臣將出往矣別無可
教之事乎上曰予有何言但事至同極速為來援之意諭
之可也漢曰江原道軍兵頗精砲手亦多而不日當來速為

領率羣勢相倚則豈偶肱哉且鄉兵亦必有奮起者諸道軍
兵上未者因晝夜收聚可也檢察使二負俱入江都而尚無詳
息程為可恠毘成曰不用命者雖守令亦可先斬汝聞耶
上曰出去依此為事日可也漢曰援兵亦當至矣今日行賞勸
勵前二路屯賊縱擊可也一向退保終有何為塗曰請移城隍
祭 上曰依為之 上問景嵩曰毘成可以得達乎對曰毘成
其步如飛不患不達矣 上曰兩班何能步如此耶肱則可以得
達矣○崔惠吉請對 啓曰小臣協守北門矣其處雖頗險
阻猶有可緣處且以郡在其西唐穀尚多賊必專力於此而
軍士分排甚靈疎且只排施手全無射手臣以此意言于大
將則答以軍數不足云士大夫奴子覓給軍器使之同守如何
景嵩曰士大夫奴子分排事協守使自可任意為之何用

至於清對平惠書曰此時激勵將士為急昨日戰士多輕
重施賞何如上不答退出黃一浩林潭請對路曰渠方
陣山底為疑兵自我亦清依古法放出游軍出沒為疑兵
如何將士之意皆以利在我邊以欲為連戰而渠則為持久
之計矣臣使人覲之諸陣之賊皆為蜀人燃火有石留屯者
而聚會南門外山底閭闔云此時不可失也先扼北山有建
瓴之勢將士之意皆欲下去一戰清抄御營及別抄合具仁
屋李廓定將出擊似好矣南擊垓前敵為平夷伊賊陣
其近處而使一枝兵舉旗若將向南門者賊其意似在南擊
垓身臣欲穿坑為陷鋪菱鉄於城下而陷坑則地凍雖穿李
曙曰以釘穿之則似好云若得炭三四石可以作釘而得炭不
易矣林潭曰臣所守處路雖少平砦二騎之外不得兼進且

有坑塹似難馳突因歷舉形勢以手畫地為樣而白之且曰
昨日則有必犯之形軍兵將官曠日持久而少無解怠咸思一
戰而終不犯只有一人來見形止而去此甚可疑也臣細察其形
勢兵不滿數萬矣黃一浩語多支難因問 上曰蟬書得達
耶 上曰何以知之甯地陷事著案舉行一浩伏曰請得炭三
石 上曰此事予何以知之乎何不問於体府耶一浩退出

上謂景曾曰賞賚除授事吏兵曹何以越不舉行耶對曰
已為分付而當知將官等戰怯高下朕後可以授我以未及
為之耳 上曰雖朕豈不及昨日成貼乎瑯曰搃戎使放出四
名為城外巡邏而不逢賊兵云自今為出入之形示賊則賊必
畏憚而不肆矣其仁屋於今夜亦出十五名結屯暗門外有
若藏兵者朕豈欲使賊夜間恐懼而不敢近也小臣王南門

近處而少無可畏事今夜亦滅火待之而無一人近城必有所
懷而朕也 上曰仁屋之軍為捕賊而出乎欲為疑兵出乎
譚曰軍卒自請出戰故仁屋亦生出戰之計矣臣則以為不
可輕易處之而仁屋切欲出往征之耳○以吏曹賞戰事景
曾 啓曰有案賊者陞拜高職後即為通易作闕則并
其本職而失之以新陞職為案而本職則以無職下 批何如
上曰依為之○譚不知昨日已為宣 諭請亦賞典之意
上曰已令承旨頒布矣譚曰將官等不見承旨云矣 上招宣
諭承旨韓亨吉詰之亨吉對甚急譚曰朕則小臣若是未
及聽之軍士矣 上使改書以諭○上謂承旨曰李暭戰軍當
賞者何不書送乎景曾請出去問之退出○李暭請對
上問卿往見合戰形勢乎暭曰東南合戰則已罷矣當時

臣親往見之越遠大山賊兵多聚臣共具密啟出兵三四十
名鱗出百餘名使之進前戰仍以手畫地陳其形勢曰有
砲手一人追賊以石投賊舍馬而遁遂奪其馬而來因陳
我軍解圍突陣之狀曰軍兵奮勇不可當也奪馬入來之
後旋即還出終始力戰此人則不可不重賞也上曰壯哉
當重賞之曙曰小臣軍官李先春棠王砲樓之事而出去
未還矣上曰予當親往觀其形勢且示賞典景曾責
曙送一浩清炭事曙謝曰吾果使之矣上曰卿終始主幹
此城凡事詳為指揮使不知形勢者皆得曉知可也且此
城有甲冑而何不令給武士耶曙曰我國之人不閑著甲故不
為令給矣今當令給伏社上曰城上將士不可不給也曙曰
城中之卒不可遍給當給水原軍馬矣且南擊曲城未修

處請別為堅守 上曰卿可令付也 世子曰扶輦砲手等聞
有出戰之命亦莫不踴躍爭赴云矣 暘曰賊兵若大來則
合戰之時其數必多而不滿七十餘騎其數不多蓋可想矣
上招揚州牧使沈兗成曰何時當往乎對曰出去之人為賊所
阻此還來臣亦不能自定矣夜行晝伏何望其無故得達
耶設或得達不成且據有若奔竄之人招集軍兵恐不易也
上曰不可如是也當今急務惟在迎見勤王兵之上來者使之
出於南路其之來援也見上來人細陳賊之形勢為可景曾
曰樞陣利峴以通東南路最為急也 上曰某路中若得
通則幸矣兗成曰步往重藹全無負據恐無以行 上令也
上曰江都消息絕不得聞某条通諭使之慎守為可兗成曰
小臣當某条通諭景曾曰江都似不危矣 上曰往彼者皆

書生豈不危乎謂兇成曰江都則送人通之汝則專任通路一事兇成曰今日不及往則明日可達也上曰視勢為之國

事至此無復可為須此忠義之人共圖恢復之計兇成曰

臣見外來軍官問之則臣兄已往抱川云當某處尋覓其

之共圖上曰十分慎行善為之圖○朴潢請對密啓刺

自募故有是啓不果送李植洪柱一李時樸請對極啓曰自上

數為巡城而臣李不能從今有所懷請達為臣為承旨時

以築城不高曾已啓達矣賊若為橋而上則甚易登也

自內砲射亦不易也但形勢危峻使賊若上峻而進則砲射

似便矣若由平地蟻附一處則難可射也諸將等亦未及思

矣巡城時詳問形勢截斬此等形便處如何上曰更為

指陳形勢植以手指畫其形勢且曰今雖地凍令士大夫

奴子及排歇處軍人聚石以待可也賊若犯城則游軍既不
足據卒亦不得舍信地而救他處豈不可慮之甚乎諸不緊
處軍人別為團聚一處各為游軍似當矣且使賊若蟻附
於門樓或破門而入或衝火而入之則亦甚可慮若不聚而
防患則必鑿門底埋大砲而諸將悠泛度日置之尋常誠
可為悶而且城中消息無緣通外是最可悶也洪振道進
曰今日陽智軍兵來言陽智以下人民皆恃和訖尚為不動
云甚可慮也請急將絕和之意通諭如何植曰縱出騎兵
五十餘名亦可衝突賊陣目今城中之馬飢立斃日矣皆將
屠食其其等棄無寧定將帥給此馬為游兵出擊則外路
可通而朝廷以守堞之虛疎為慮並馬隊而不放至於朝士中
有勇力者亦且袖手而無所為是猶棄本幹而用枝葉也備

局論一曰恁仗伏願斬自聖衷速為之計在一曰近來砲手

等殺獲頗多城中人心倍為激勵誠幸也朕以此雖成大事

必穿一邊道命朕使援兵得進朕後恢復可圖也時樞曰

機不可失也若失此時人心一解則大事難成上曰以守堞之

虛疎故不得分力矣在一曰大將軍官甚多何患無事時樞

曰士氣一激以五六而當二十餘賊此時何可失也在一曰城之險

處不必排精兵士夫奴子亦可守也清抄馬兵給罷成使之突

陣出去如何植曰廟社主元孫王子皆在江都豈可無分付

之事乎奔問文書不可不急送也役使見獲於賊陣不及城

中形勢何關之有上曰其言則善矣城中軍勢孤弱若出

五六名或十餘名則可也若至於三十名之外形勢甚難矣植曰

朝士中使之自募則豈無願往之人乎京畿監司李溟亦

願出戰矣。上曰：渠若願出，則使之出戰，未為不可。但恐其不得出也。植曰：都元帥處亦未送人宣傳，官中有成俊給者，最壯也。使之出去，宜當往。一曰：有許攄者，亦壯士也。植道曰：若壯士則白晝出去，亦可得達。景曹曰：聞僧人輩出去之時，亦逢賊不虜矣。上曰：朕則募送僧人可也。植曰：雖出十許人，亦可突擊出往也。植道曰：有人自京來，逢賊五六名於中途，以大杖擊之，而得達矣。上曰：京中消息如何？植道曰：京中則晏然矣。上曰：留都大將安在？云：乎曰：此則不得知矣。上曰：朕則賊雖掘城，渠必孤弱云。想京中之路不至甚阻絕。景曹曰：何獨京路外路亦未阻絕，而不能探知？故号令不得通也。植一曰：彼虜走回，女冉昨入來，言賊夜睡之時，有同死人，倘使夜擊渠，亦足當云矣。時楫曰：此賊不足畏也。植曰：三四十軍卒有

何損益而不為出擊乎 上曰其言朕矣兵判招來 上使李植
陳其計於兵判之前聖祖曰其其無所為而空坐不如擊之為便
今番新出身人除赴防使之出戰則似好矣植之言似為有理
也但晝擊則我馬不敵彼馬似不可當也夜則可以擊之請出
而敵之使沈兗成輩試之如何 上曰擇一等壯士出送可也聖祖
曰游軍甚多壯士則一人甚閑使沈兗成抄各司下人有馬牛者
亦試如何植曰圻伯亦欲出去矣 上曰圻伯果欲出乎聖祖曰必
發急之言也年老無才何可任此事 上曰若欲排軍當用我人
京路似疎可先開也聖祖曰西門外以郡之路先可試也 上曰
和親既誤人矣方外之人誰肯上來時樞曰事所以誤者和字
之害也聖祖曰勤 王兵若已上來則豈可不為馳報而往先
退去乎 上曰勤 王兵何開雷上來乎聖祖曰聚集之間勢

遲延數日前似當上來而都元帥尚未來援極可恠也植曰
元帥如何不送人耶聖祖曰因黃海道人自募者催促已三度
矣豈有不達之理上曰使各司下人加募以送如何聖祖曰各
司之人皆不自募是可問也朕三度催文豈有一不得達之理
乎天時效順軍卒用命恢復之勢可以遏之也今日若又捕賊
則士氣益倍漸次加出以擊大陣則事可為也時樞曰摘奸若
頻軍士盡亦不自息類以為苦矣上曰盡則不為摘奸矣聖祖
曰此亦不知之言也軍兵足指凍裂躑躅不得睡非緣摘奸而
不睡也上曰出送軍人諭以還入則論賞之意可也江都之奇
亦不得圓深用盡上聖祖曰聞六日之前賊兵尚不到露梁以
西云若一路得開則諸道次可通矣樞曰近來月已黑矣意
外之憂甚可慮也城外埋伏事類為舉行如何植曰伊賊已知

製造雲梯甚可畏也時樸曰預戒軍兵使勿出怯狀汝可辨
偏人與真人矣植曰潼關陷城時馬亦踰入云矣上曰寧
有此理植曰亡其城不高以此矣時樸曰各門鎖鑰必稟
大內而用因恐以此而誤軍機也上曰已令變通矣上曰
注書出去招朴漢以來時樸曰庙堂失其体貳紛不定軍
情皆願得金尚憲而鎮定矣景曾已為啓下身時樸曰
尚憲之能以靜制動伏願自上一聽其策而勿為他說所動
如何景曾進前密啓上曰委寄重諸臣其大將而凡事
不能成自樣何以如此景曾曰渠輩亦豈不欲盡心哉事
出倉卒器械未備心神驚散不暇周旋矣外人皆言此賊強
悍不及倭人若使其高彦伯韓命連者在不難突陣而未聞
有一人擔當者蓋秩高之人培養自尊而年亦已老筋力未

及收歟也○朴漢入來

上曰大言軍士等晝亦不得睡云朕子

漢曰巡飭者甚多故不得安也

上曰無乃巡飭無節乎且地形

平夷處形勢可畏聞伊賊方造雲梯云應變之事不可疎忽

也聚石幾何耶漢曰軍卒零星力不能多聚矣上曰緊處則

不可不多聚也定送軍官及本官下人十分著察為之漢曰清

令本府從事一人專掌其事

上曰依為之且北邊亦有緊處

云矣漢曰何處不緊元斗杓所守處多宜御營軍攻皆為自

募出戰其處最疎矣

上曰御營軍最精出戰者還即排

堞可也漢曰渠無軍官不能号令請以侍衛壯士陰出為軍

官如何

上曰侍衛亦不可孤弱姑給十餘名可也緊處聚

石事不可緩也定送從事官十分著察為之李厚源鄭

雷卿請

對厚源曰小臣掌南擊垣共南門矣前已

六
啓達添兵目今排堞似為不少而京沂鄉兵寨不足用自南至東
防備最踈西北則地形絕險雖無防備賊難飛入請以訓練局
砲手推移授排如何 上曰既已令軍今難迂動雷卿曰小臣
其厚源同守一處矣受敵之處莫如南擊殆其東門而守備甚
踈且既有砲壘則當置大火咒而曾不預備今難猝辦則
衝突之患迫在朝夕臣意西北竄為不緊若使元軍盡數
移易則彼必有辭矣陳出若干其之相授有何妨乎 上曰大
將安往而甬等未言乎朝見李曙則以為無虞而甬等之
言其之相反何耶且朝者業已加送砲手未及往乎雷卿曰
砲手雖未其數甚少若欲堅守一樓當不下四百名矣且今
番令軍極為誤處甚可慮也 上曰當初令軍何以如是
耶不問於李曙而令之者亦何故耶漢曰今日授易亦何妨

乎厚源曰雖不多得請加宣所軍七十名都監軍三十名如何
漢曰此則決難從也上曰其處最緊以如是言之耳厚源
曰臣之信地比他處最廣且緊不可不處通也雷卿曰昨日分
醬革給一合而亦不遍賜若加得八斗則亦以均給矣上曰
何不於昨日即言耶厚源曰分給之時方合戰戒嚴以不及
達矣上曰除煩說法今日更為遍給可也且軍情如何雷
卿曰最可恃者軍情也上曰士大夫所聞處雖有惡心豈
敢發口必密察朕汝其情可知也雷卿曰有一事可以易知
者當初六十餘騎之逢戰也李曙姑令分出而爭先出戰於
此可知其欲戰之心厚源曰人和地利千方無起矣漢曰城陰
如此攻人心不動此可喜也雷卿曰今日戰三死者四人而有砲
手梁承龍者最為忠義之士方共賊抵戰而賊二十餘騎猝

至園之承龍跳出放矢殺三四賊追擊至山下為後軍所襲亂
斬而死極為驚悸其外五六人亦為中箭云矣 上曰何不馳
報也雷卿曰岩谷間匿伏者次入來時未知故以不為馳報矣
所謂被殺人中二人不至絕命而萬無生道其餘中箭之人方
置僧舍 特送醫官救療以示感動之舉如何賊之被殺者亦
二十餘名云矣 上曰豈至如許之多乎雷卿曰非虛張也漢曰
侍衛之士寂為虛跡李暘所率別武士十餘人使之侍衛如何
上曰予非以侍衛為虞也欲得抗戰人耳雷卿曰此見軍情皆
欲大舉出戰此則決不可為也小賊人頻抄擊則渠必圍聚
道路可通因以待援兵之來可也觀其馳突之狀難以孤軍可
當也 上曰軍情雖如是言之亦豈可輕易言之乎雷卿曰菱
鉄禦賊之良具也當其馳進也一馬顛仆而墮落及其回也

諸馬皆震矣。上曰朕手厚源曰固守城內而外援隨至則軍情自當百倍此城形勢已成只操伏願堅定。聖意勿為撓動且觀賊校甚少分明以一軍回轉而蜀人之狀亦為明白前駭我民以助其勢矣不朕則今日之戰豈不大張威勢耶。殿下之入此城案胡自亡之秋也。上曰自今當一意為之而但聞四人已斃云。趙為驚恟厚源曰今番將士請令論賞。上曰論賞亦不可為之死者尸身不可不歛葬其尸可得乎。雷卿曰在見殺處矣。奪馬之事不至甚壯而見一人逐賊奪騎而來軍情無不踴躍矣。上曰朕手願見賊頭也。厚源曰今軍之事何以為之。上曰當初既不善處何以為之。援砲手雷幾人耶。雷卿曰若得百名雖不足猶可為也。沈悅請對。上曰國事至此卿有何謀策耶。沈歡歎曰小臣近以胸脇之痛一

不得入侍而事機至急欲達所懷而來矣此城形勢極為險阻東
南之間有一高峰俯瞰城中賊兵必欲由此犯城四門之中此最緊
地不可不別為添兵也此賊自前攻城之時必駢本國人物牛馬為
前鋒使我人虛發矢凡狀後急攻陷城此事不可不預知也且東
南門之間必多置游軍狀後可保防禦也今者城池雖好而鬼
械未備糧餉將竭賊若持久四出擄掠使糧道阻絕則將有因
極之憂請 命餉臣十分料理且未知城中積粟幾何而百官散
料以未給之臣意百官則無不率奴雖給皮穀亦可蕃食軍
士則不可給皮穀也佳此孤城事勢危迫募得此地壯士急由山
路下 論江原道監司潛師夜行則可以得達都元帥及下三
道監兵使等處亦命取路水上勿由直路免為賊兵遮絕如
何城堞軍士長立晝夜目不交睫今已五日所噉又不得充腸

其幾何不為自盡也臣意令百官晝守軍士夜守可也且使

老病百官晝夜守城亦非長久之道也上招戶判曰沈悅言

百官之料當以皮穀給之云矣蓋國曰百官之料一日以二七合

磨鍊半則以米半則以皮穀矣悅曰小臣所達皆已陳之藹狗

而入城之後初見君父故敢達所懷矣蓋國曰扈從之官不

關於守城者皆稱扈從此輩姑不可使之飢也斷料亦極難矣

悅曰下道糧餉速為收入如何上曰何以收入耶悅曰以郡之賦

甚為零星豆尾之山勢甚高夜縱勇士擊其屯賊輸致山上

次運入則有何難焉上謂戶判曰此言如何蓋國曰其言

甚難行臣所以請稅利峴者蓋為此也崔來吉清對曰如

是空坐將何為乎孤城受圍糧餉已竭利峴之稅不可失也

上曰利峴之路何以得稅乎來吉曰某條稅之可也安能盡仁

空坐乎悅曰運餉進兵必由上游形勢朕後可以得達矣來
吉曰軍料則不知當支幾月矣目今芻草已絕馬將盡斃將
復為乎蓋國曰聞人多有賣馬者云以後日給餼成帖以給取
其馬殺以餉士如何悅曰收城中得釜鼎置於堞上每值寒朝
則沐軍數以一升粥饋二名如何上曰此則勢不可為也來吉
曰安有如此可悶事哉賊若添兵則何以為之耶悅曰臣之所
憂者東南隅也大將駐彼想不虛踈朕南垣越邊峰俯瞰
城中被虜牛馬盡藏於彼云深恐駐此為先鋒而進迫矣
上招朴漢以沈悅言告之仍教曰南擊殆近處當授百名朕
後可守云當初何以不問於知事者如是誤令耶漢曰業已
加定矣且今者又為接戰砲手等爭由暗門而出者不知其
數矣上曰以精易粗人情必不悅朕彼邊專為受兵之

地而御營軍都監軍皆排歇處以人言如此也漢曰西北雖云
險阻故郡往來之賊亦為甚多不無侵犯之患以已選自募
軍為防備之具亦不可輕遽至此也蓋國曰夫軍機有三糧
盡矢竭兵疲也彼所以如許者欲我之有三患也今以小軍
兵晝夜不息貪目前之小利虛發既多則將來大軍無以防
禦以守堞之法以專守城內為貴不為出戰矣漢曰其言甚
是也景魯曰今見元斗初書 啓應賞人等將官則欲得
准職告身閑良則願得守門將部將等帖賤人願得兼司
僕羽林衛之帖以為誇耀之地而銀子則不願受之云矣且見
一賊而衆砲齊發雖或中賊不知某人所中云此語似朕也私奴
則欲為免賤云而免賤則其事太重 上曰免賤則太甚良
人除禁軍領將除職公私賤給銀可也景魯曰良人京砲手

無不為禁軍者矣。上曰：送銀於將帥使之參酌，今給景嘗曰：嶺南軍皆願得內禁司僕帖矣。上曰：朕則私賤，何與？賈之漢曰：良人以朕帖賞之，則銀子有餘，私賤則名給五兩銀如何？上曰：賞格事起今日為之，先鋒力戰者一體施賞，後援者當有差等，已得朕帖者次之。陞我如內禁衛則除守門將守門將則除主簿可也。蓋國曰沈悅欲輸豆尾之穀，其憲得矣。朕古人則一邊合戰而一邊運糧矣。今我國則軍勢甚弱，難可運糧也。設使出送軍卒一人，不過負米六七斗而若逢要擊則並其軍而失，豈不甚惜乎？且聞宣傳官自忠州來，利川之民亦聞和議而不動，云甚可慮也。不可不急速曉諭。上謂景嘗曰：京師手則給糧，領將則除賤可也。出外

十二月二十日

上在南漢山城○大殿政院王堂二品以上問 安荅曰知道

世子宮問 安荅曰知道○下諭于都元帥金自點副元帥申

景援曰南漢被圍今已七日予在孤城危迫已到十分地頭聞

卿已領大軍來抵圻田云急赴援以救君父之急且道路阻

絕通諭甚難自卿處傳令諸道監兵使星火來援京圻列

邑亦宜各率鄉兵勤擊零賊或掩襲大陣期於長輪不致

以蠟書 下諭于公清監司鄭世規兵使李義培金羅監司

李時昉兵使金俊龍慶尚監司沈演左兵使許完右兵使

閔拯等曰賊兵圍逼南漢今已七日君臣上下寄在孤城危

若一髮汲汲之勢卿可想也即聞西北諸將亦皆領兵已到

畿甸云卿其星火馳赴前接合擊期於勦滅以救君父之急

且今送諸處有音或不無遲滯之患卿其急傳送○蘇金
尚憲 啓辭凡祭享犧牲皆當用牝而昨日城隍祈余
犧牲以牝牛牝豕進排若使改備則事勢未易日○昏暮
祝文已填不得已所進排者仍用殊為未安當後進排官事
待事完後推治何如 傳曰允○下諭于江都檢察使金慶徵
曰賊兵屯圍十日城中累發精砲四面勦殺取獲雖多○
無退兵之期本都防備不容少忽下三道舟步急徵集一選藏
置戰船以待且三江冰解則事多可慮凡事卿共留守相議
善處且諸道監兵使處募死事通諭急赴援事已為下
諭其能得達耶在此孤城日望援兵之至星大傳諭以救君
父之急○兵批以梁承龍為訓練院主簿全福龍為守門
將○都體府 啓曰去夜巡邏捉荒唐一人問其根着則城

堞所守廣州抄軍也以妻子推尋事逃出為言此時守堞軍
卒離了信地逃已設計之狀極為過甚梟示軍中為懲戒
之地如何 傳曰知道



